



# **DOKAZI**

## **ZA OBAVEZNOST**

## **POKRIVANJA LICA**



**DOKAZI**  
**ZA OBAVEZNOST**  
**POKRIVANJA LICA**

Plav, Sandžak  
redžeb 1429. hidžretske  
jul 2008. godine

# **DOKAZI ZA OBAVEZNOST POKRIVANJA LICA**

**Izdavač:**

**"K e l i m e t u l - H a q q"**

Plav, Sandžak

[www.kelimetulhaqq.net](http://www.kelimetulhaqq.net)

[kelimetulhaqq@gmail.com](mailto:kelimetulhaqq@gmail.com)

**Autor:**

Ebū Ahmed

**Unos i prelom teksta:**

Ebū Ahmed

**Dizajn korice:**

Ebū Merjem

**Štampa:**

**"K e l i m e t u l - H a q q"**

## **V A Ž N A N A P O M E N A !**

Svako kopiranje i umnožavanje ove knjige  
ili bilo kojeg njenog dijela bez odobrenja  
autora ovog prijevoda je veoma  
**pohvaljeno i preporučljivo**

## DOKAZI ZA OBAVEZNOST POKRIVANJA LICA

**Rekao je Allāhov Poslanik  
Muhammed, sallallāhu 'alejhi we sellem:**

"Najvrijedniji džihād je reći **riječ istine** pred nepravednim vladarem."<sup>1</sup>

"Prvak šehīdā je Hamza, a potom čovjek koji dođe nepravednom vladaru, kaže mu **istinu** u lice, pa ga vladar ubije."<sup>2</sup>



"Neka nikoga od vas ne spriječi strah od ljudi da kaže istinu kada je vidi ili bude njen svjedok, jer mu **riječ istine** neće približiti čas smrti, niti mu umanjiti nafaku."<sup>3</sup>

---

<sup>1</sup> hadīth bilježe Ebū Dāwūd, et-Tirmidhī i Ibn Mādže u svojim ''Sunenima'' od Ebū Se'ida el-Hudrija i Ebū Umāme el-Bahilija

<sup>2</sup> hadīth bilježi Hākim od Džābir ibn 'Abdullāha

<sup>3</sup> hadīth bilježi imām Ahmed u svome ''Musnedu'' od Ebū Se'ida el-Hudrija



# DOKAZI ZA OBAVEZNOST POKRIVANJA LICA

## UMJESTO PREDGOVORA



### U ime Allāha, Milostivog, Samilosnog

Hvala Allāhu Jedinom i neka je salawāt i selām na onoga nakon koga nema vjerovjesnikā.

A potom:

Nakon rada na prevođenju knjigā o tewhīdu, te nakon desetina takvih naslova, odlučili smo se na izdavanje i štampanje manjih knjiga sa fiqskom tematikom. Naime, nakon što se Istina objasnila i prihvatila, te nakon što se saff muwehhidā odvojio od saffa demokrata, mušrika i braće mušrika, smatamo da je vrijeme da se braća i sestre podstaknu na rad po tewhīdu. Tome će, nadamo se, uz Allāhovu pomoć, između ostalog doprinijeti i ova mala knjiga koja se bavi propisom pokrivanja lica.

Molimo Allāha da sestre muwehhide, nakon što su ostale nepoljuljane u svome tewhidu u ovim vremenima šubhi i skušenja, shvate dokaze iz ove knjige, da ti dokazi povećaju njihovu ubjeđenost u obaveznost pokrivanja lica i da ova knjiga bude sebeb njihovog slijeđenja staze ispravnih prethodnica, žena muslimanki prvih generacija, Allāh bio zadovoljan njima.

## **DOKAZI ZA OBAVEZNOST POKRIVANJA LICA**

Molimo Allāha da obilato nagradi svakoga ko svojim trudom, vremenom i imetkom doprinese da se ova i slične knjige distribuiraju i dijele među muslimanima.

Na kraju, molimo Allāha da primi naša dobra djela i da nas učini borcima za Njegov tewhīd, sve dok Ga ne sretnemo, a On bude zadovoljan nama. *Āmīn*.

"*KELIMETUL-HAQQ*"

***Dokazi  
iz Qur'āna***





## DOKAZI ZA OBAVEZNOST POKRIVANJA LICA

وَقُلْ لِلْمُؤْمِنَاتِ يَغْضُضْنَ مِنْ أَبْصَرِهِنَّ وَيَحْفَظْنَ فُرُوجَهُنَّ  
وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا <sup>ط</sup> وَلْيَضْرِبْنَ خُمُرَهُنَّ  
عَلَىٰ جُيُوبِهِنَّ وَلَا يُبْدِينَ زِينَتَهُنَّ إِلَّا لِبُعُولَتِهِنَّ أَوْ  
ءَابَائِهِنَّ أَوْ آبَاءِ بُعُولَتِهِنَّ أَوْ أَبْنَائِهِنَّ أَوْ أَبْنَاؤِ  
بُعُولَتِهِنَّ أَوْ إِخْوَانِهِنَّ أَوْ بَنِي إِخْوَانِهِنَّ أَوْ بَنِي أَخَوَاتِهِنَّ  
أَوْ نِسَائِهِنَّ أَوْ مَا مَلَكَتْ أَيْمَانُهُنَّ أَوِ التَّابِعِينَ غَيْرِ أُولِي  
الْإِرْبَةِ مِنَ الرِّجَالِ أَوِ الطِّفْلِ الَّذِينَ لَمْ يَظْهَرُوا عَلَىٰ  
عَوْرَاتِ النِّسَاءِ <sup>ط</sup> وَلَا يَضْرِبْنَ بَأَرْجُلِهِنَّ لِيُعْلَمَ مَا تُخْفِينَ مِنْ  
زِينَتِهِنَّ <sup>ج</sup> وَتُوبُوا إِلَى اللَّهِ جَمِيعًا أَيُّهُ الْمُؤْمِنُونَ لَعَلَّكُمْ  
تُفْلِحُونَ

"A reci vjernicama neka obore poglede svoje i neka vode brigu o stidnim mjestima svojim; i neka ne dozvole da se od ukrasa njihovih vidi išta osim onoga što je ionako spoljašnje, i neka vela svoja spuste na grudi svoje. I neka ukrase svoje ne pokazuju drugima; to mogu samo muževima svojim, ili očevima svojim, ili očevima muževa svojih, ili sinovima svojim, ili sinovima muževa svojih, ili

## **DOKAZI ZA OBAVEZNOST POKRIVANJA LICA**

braći svojoj, ili sinovima braće svoje, ili sinovima sestara svojih, ili prijateljicama svojim, ili robinjama svojim, ili muškarcima kojima nisu potrebne žene, ili djeci koja još ne znaju koja su stidna mjesta ženā. I neka ne udaraju nogama svojim da bi se čuo zveket nakita njihovog koji pokrivaju. I svi se Allāhu pokajte, o vjernici, da biste se spasili."<sup>4</sup>

### **Prvi dokaz iz Qur'ana:**

Prenosi se da je 'Ā'īša, *radijallāhu 'anhā*, rekla:  
*"Allāh se smilovao prvim muhādžirkama. Kada je Uzvišeni Allāh objavio: 'I neka vela svoja spuste na grudi svoje', one su pocijepale svoje ogrtače i njima se zastrle (ar. glagol 'ihtemerne')."*<sup>5</sup>

### **Drugi dokaz iz Qur'ana:**

Rekao je najpoznatiji komentator Buharijine zbirke, *hāfidh* Ibn Hadžer el-Asqalānī u komentaru ovoga hadītha:  
*"Ā'īšine riječi 'ihtemerne' (zastrle) znače da su zastrle (pokrile) svoja lica."*<sup>6</sup>

### **Treći dokaz iz Qur'ana:**

Rekao je poznati mufessir (komentator Allāhove knjige), šejh Muhammed ibn Emīn es-Šenqīti:

---

<sup>4</sup> sūra en-Nūr, 31.ājet

<sup>5</sup> hadīth bilježe el-Buhārī, Ebū Dāwūd, Hākim, Bejheqī i Ibn Džerīr

<sup>6</sup> "Fethul-Bārī", 8./490.

## **DOKAZI ZA OBAVEZNOST POKRIVANJA LICA**

*"Ovaj hadīth jasno upućuje na to da su spomenute ashābijke iz riječi Uzvišenog Allāha: 'I neka vela svoja spuste na grudi svoje' shvatile da moraju pokriti lica, što su i učinile; nakon što su pocijepale svoje ogrtače, pokrile su svoja lica i na taj način se pokorile Allāhovoј naredbi."<sup>7</sup>*

Ovaj ājet govori o obaveznosti pokrivanja lica sa 6 aspekata:

### **Četvrti dokaz iz Qur'ana:**

Allāh je Svoju vjeru objavio sa naredbom stida, čednosti i čestitosti, a zabranom svega što predstavlja razvrat, nemoral i blud i svega što njemu vodi. Iako su se prijašnji vjerezakoni međusobno razlikovali u pojedinim propisima, od poslanika do poslanika, svaka je Objava spuštena i svaki je poslanik došao sa naredbom čednosti i zabranom bluda.

Naređeno je da se čuvaju stidna mjesta i spriječe stvari koje vode do bluda, <sup>8</sup> a jedan od najefikasnijih načina je nesumnjivo – pokrivanje lica, jer je otkrivanje lica povod da se gleda u njega, poželi, pokuša,...

---

<sup>7</sup> "Adwā'ul-Bejān", 6./595.-596.

<sup>8</sup> npr. pogled, osamljivanje žene sa muškarcem koji joj nije mahrem, bespotreban razgovor između muškarca i žene, miješanje muškaraca i ženā, rukovanje

## DOKAZI ZA OBAVEZNOST POKRIVANJA LICA

### Peti dokaz iz Qur'ana:

Ako je qur'ānskim ājetom naređeno ženama da spuste svoja vela <sup>9</sup> na svoje grudi, tada je nužno da pokriju svoja lica.

Jer, odakle taj veo treba da padne (spusti se) na grudi, ako ne sa glave preko lica?

Na kraju, šta u arapskom jeziku znači pojam ''himār'', riječ koja se koristi za predmet koga žene moraju spustiti na svoje grudi? Kako on izgleda i šta on pokriva?

*''Himār ima značenje svega onoga čime se nesto pokriva. U značenju pokrivanja žene pred muškarcima (strancima), himār znači: Pokrivač kojim žena pokriva čitavu glavu.''* <sup>10</sup>

*''Himār je postao poznat kao dio odjeće kojim žena pokriva svoju glavu.''* <sup>11</sup>

I danas se *himārom* naziva odjeća kojom se pokriva čitava glava, bez ikakvog izuzetka. Takvim se smatra u Jordanu, Siriji, Palestini, Irāqu i drugim mjestima.

---

<sup>9</sup> u ājetu se za ono što je prevedeno kao ''vela'' koristi arapska riječ: ''humūrihinne'', tj. svoje *himāre*

<sup>10</sup> ez-Zubejdi: ''*Tadžul-arus*'', korijen ''hmr''

<sup>11</sup> er-Ragib el-Isfahānī: ''*El-Mufredāt*'', korijen ''hmr'', 109. str.

## DOKAZI ZA OBAVEZNOST POKRIVANJA LICA

### Šesti dokaz iz Qur'ana:

Ako je žena već obavezna da pokrije kosu, uši i vrat, <sup>12</sup> pa zar nije preče da pokrije lice, jer je ono mjesto prepoznavanja, mjesto odakle počinje zavodjenje, mjesto izvora smutnje. Koliko god zapadnjačka nekultura i mediji nametali razgolićenost žene, ipak oni koji traže ljepotu kod žene prevashodno pitaju o njenom licu i njegova je ljepota uvijek presudna.

Pa, ako ste shvatili da je tako, zar je Allāh naredio ženi da pokrije vrat, uši, kosu, pa čak i lakat, a lice da ostavi otkriveno? Zar da u Allāhovoј vjeri postoji ovakva kontradiktornost?

### Sedmi dokaz iz Qur'ana:

Uzvišeni Allāh kaže:

إِلَّا مَا ظَهَرَ مِنْهَا

"...osim onoga što je ionako spoljašnje..." <sup>13</sup>

Dakle, nije rekao "osim onoga što je već pokazala (otkrila)", već "osim onoga što je ionako spoljašnje (što se od nje svakako vidi)".

---

<sup>12</sup> Oko pokrivanja ovih dijelova tijela se slažu i oni koji pokrivanje lica ne smatraju obaveznim, tj. i oni pokrivanje kose, uši, vrata, podlaktice smatraju obaveznim

<sup>13</sup> sūra en-Nūr, 31.ājet

## **DOKAZI ZA OBAVEZNOST POKRIVANJA LICA**

Neki su rekli da se ovime misli na odjeću, drugi da se to odnosi na visinu, a neki da se time misli na sãamu konstituciju Źene, koja se ne moŹe sakriti (to je ionako spoljašnje).

KaŹe Ibn Kethir:

*"Ibn Mes'ud smatra da je to odjeća i donji ogrtači. Isto mišljenje imaju i Hasan el-Basri, Muhammed ibn Sirin, Ebul-DŹewza, Ibrāhīm en-Neha'i i drugi."*<sup>14</sup>

KaŹe Mustafā el-'Adewi:

*"U knjigama koje su pred nama nismo uspeli naći nijednu vjerodostojnu predaju u kojoj neko od ashābā tumači 'ono što je ionako spoljašnje (što se smije otkriti)' kao: 'lice i šake'."*<sup>15</sup>

### **Osmi dokaz iz Qur'ana:**

Źeni je zabranjeno da pokazuje svoje ukrase svima osim onima koje je spomenuo Uzvišeni Allāh. Primjećujemo da se prvi ukras ("**ono što je ionako spoljašnje**") razlikuje od drugog.

Dakle, prvi ukras ("**ono što je ionako spoljašnje**") je vanjski izgled (odjeća, visina, konstitucija Źene), a drugi je unutrašnji ukras i ne smije se pokazati nikome, osim osobama spomenutim u 31. ājetu sũre en-Nũr.

---

<sup>14</sup> "Tefsirul-Qur'anil-Adhim", 6/46.

<sup>15</sup> "El-hidŹābu edilletul-mudŹibin we subehul-muhalifin", 37. str.

## DOKAZI ZA OBAVEZNOST POKRIVANJA LICA

### Deveti dokaz iz Qur'ana:

Ako je ženama zabranjeno da udaraju nogama po zemlji, bojeći se da će to (zveket njihovog nakita) zavesti muškarce kada ga čuju, šta onda reći za otkrivanje lica i posljedice toga?

### Deseti dokaz iz Qur'ana:

وَالْقَوَاعِدُ مِنَ النِّسَاءِ الَّتِي لَا يَرَجُونَ نِكَاحًا فَلَيْسَ عَلَيْهِنَّ  
جُنَاحٌ أَنْ يَضَعْنَ ثِيَابَهُنَّ غَيْرَ مُتَبَرِّجَاتٍ بِزِينَةٍ وَأَنْ  
يَسْتَعْفِفْنَ خَيْرٌ لَهُنَّ وَاللَّهُ سَمِيعٌ عَلِيمٌ

"A starijim ženama koje više ne žude za udajom nije grijeh da odlože ogrtače svoje, ali ne pokazujući ona mjesta na kojima se ukrasi nose. A bolje im je da ostanu kreposne (stidne). Allāh sve čuje i zna." <sup>16</sup>

Ako pokrivanje lica nije obavezno, već je Allāh naredio samo mahramu, šta će žena koja je u mladosti nosila mahramu otkriti u starosti, a da i dalje ne pokazuje mjesta na kojima se ukrasi nose?

Mjesta na kojima se ukrasi nose (mjesta ukrasa) su svakako vrat, uši,...

---

<sup>16</sup> sūra en-Nūr, 60. ājet



## DOKAZI ZA OBAVEZNOST POKRIVANJA LICA

Ājet se svakako odnosi na stariju ženu, kojoj je tada dozvoljeno otkriti lice, a da i dalje ne pokazuje mjesta ukrasa (vrat, uši,...).

Ako se prevede i doslovce, bukvalno: **"...ne pokazujući svoje ukrase"**, opet se iz ājeta razumije olakšica koja se daje starijim ženama u odnosu na starije žene, olakšica u otkrivanju nečega što mlada žena ne smije pokazivati.

Na kraju, određivanje ove dozvole (otkrivanja lica) samo za stariju ženu dokaz je da ona ne važi za djevojke i mlađe žene, tj. da one moraju pokriti lice.

Kako su naši ispravni prethodnici razumijeli ovaj ājet, najbolje će nam pokazati slučaj koji opisuje 'Āsim Ahwel, kada kaže:

*'Ulazili smo kod Hafse bint Sirīn, <sup>17</sup> a na njoj je bio džilbāb kojim je pokrivala lice. Rekli smo joj: 'Allāh ti se smilovao, zar Allāh nije rekao: **'Starijim ženama nije grijeh da odlože ogrtače svoje...?'** Dobro, a šta se poslije toga kaže?', upita nas ona. Odgovorismo joj: **'A bolje im je da ostanu kreposne (stidne).'**' <sup>18</sup>*

---

<sup>17</sup> bila je iz generacije tabi'īnā, generacije nakon ashābā

<sup>18</sup> *'Hidžabul-Mer'etil-Muslime'*, 104.-114. str.

## DOKAZI ZA OBAVEZNOST POKRIVANJA LICA

### Jedanaesti dokaz iz Qur'ana:

يَأَيُّهَا النَّبِيُّ قُلْ لِأَزْوَاجِكَ وَبَنَاتِكَ وَنِسَاءِ الْمُؤْمِنِينَ يُدْنِينَ  
عَلَيْهِنَّ مِنْ جَلْبِيبِهِنَّ ذَلِكَ أَدْنَى أَنْ يُعْرَفْنَ فَلَا يُؤْذَيْنَ  
وَكَانَ اللَّهُ غَفُورًا رَحِيمًا

"O vjerovjesniče, reci ženama svojim i kćerima svojim i ženama vjernikā - neka spuste ogrtače svoje niza se. Tako će se najlakše prepoznati, pa neće napastvovane biti. A Allāh prašta i samilostan je." <sup>19</sup>

Kaže Ibn Džerir et-Taberī:

"Uzvišeni Allāh ovim ājetom podsjeća Svoga Poslanika, sallallāhu 'alejhi we sellem, da svojim ženama i kćerkama i ženama vjernikā kaže: 'Ne oponašajte robinje kad budete izlazile iz svojih kuća radi neke potrebe tako što ćete otkriti lice i kosu, već se zastrite svojim ogrtačima', kako ih ne bi napastvovali grijешnici kad saznaju da se radi o slobodnim ženama." <sup>20</sup>

Kaže Ebū Bekr el-Džessās, učenjak hanefijskog medhheba u svom "Tefsīru":

"Ājet je dokaz da je mladim ženama obaveza pokriti lica pred strancima i demonstrirati skrivenost i čestitost pri izlasku iz kuće, kako ih pokvoarenjaci ne bi poželjeli i napastvovali." <sup>21 22</sup>

---

<sup>19</sup> sūra el-Ahzāb, 59. ājet

<sup>20</sup> "Džāmi'ul-Bejān 'an te'wīl ajil-Qur'ān", 22./45.

<sup>21</sup> "Ahkāmul-Qur'ān", 3./371.-372.

## DOKAZI ZA OBAVEZNOST POKRIVANJA LICA

Kaže Muhammed ibn Ahmed el-Qurtubi:

'Pošto je običaj Arapkinja bio da oblače oskudnu nošnju i da otkrivaju lica kao što to rade robinje, i pošto je to privlačilo muške poglede i misli, Uzvišeni Allāh im naređuje da se zaodjenu ogrtačima kada budu izlazile radi potrebe.'<sup>23</sup>

Kaže Ibn Kethīr:

'Prenosi 'Alī ibn Ebī Talha od Ibn 'Abbāsa da je rekao u komentaru ovog ājeta:

'Uzvišeni Allāh naređuje vjericama da, kada budu izlazile iz svojih kuća radi neke potrebe, spuste dijelove hidžaba sa glavā na lica i da u nuždi otkriju samo jedno oko.'

Rekao je Muhammed ibn Sirīn:

'Kad sam upitao 'Abideta es-Selmānija o riječima Uzvišenog Allāha: **'Neka svoje ogrtače spuste niza se...'**, zagrnio je svoje lice i glavu i pokazao lijevo oko.'<sup>24</sup>

Kaže Ibn Hajjān el-Endelūsī:

'Rekao je Suddī:

'Tj. neka pokrije jedno oko, čelo i cijelo lice i ostavi otkriveno jedno oko.' Običaj stanovnikā Endelusa (Španije) je upravo takav: žene im otkrivaju samo jedno oko. Riječi Uzvišenog Allāha: **'...niza se...'**, odnose se na lica, jer je u džāhilijetu bilo poznato otkrivanje lica.'<sup>25</sup>

---

<sup>22</sup> Iako hanefije zastupaju mišljenje da je pokrivanje lica pohvalno, vidimo da najpriznatiji mufessir iz redova učenjaka hanefijskog medhheba to smatra obaveznom

<sup>23</sup> 'El-Džāmi' u li Ahkāmīl-Qur'ān', 14./243.-244.

<sup>24</sup> 'Tefsīrul-Qur'ānil-'Adhīm'

<sup>25</sup> 'El-Bahrul-Muhit', 7./250.

## DOKAZI ZA OBAVEZNOST POKRIVANJA LICA

Kaže Muhammed ibn 'Umer ez-Zamahšerī:

"Riječi Uzvišenog Allāha: 'Neka ogrtače svoje spuste niza se...', znače da ih prebace preko svoga tijela i njima pokriju svoja lica i pregibe tijela. Kad žena makne ogrtač sa lica, kaže joj se: 'Edni sewbeke 'alā wedžhike (Zagrni lice ogrtačem)'."<sup>26</sup>

Kaže Ibn Tejmijje:

"Žene su imale običaj da se pokrivaju džilbābima i ljudi su mogli vidjeti njihova lica i šake, ali kada je objavljen ājet: '...neka spuste ogrtače svoje niza se...'"<sup>27</sup> ovakva praksa je zabranjena, tj., ženama je naređeno da nose kompletan džilbāb.<sup>28</sup><sup>11</sup>

### Dvanaesti dokaz iz Qur'ana:

وَإِذَا سَأَلْتُمُوهُنَّ مَتَعًا فَسْأَلُوهُنَّ مِنْ وَرَاءِ حِجَابٍ ذَلِكُمْ  
أَطْهَرُ لِقُلُوبِكُمْ وَقُلُوبِهِنَّ

"A kada od njih nešto tražite, tražite to iza zastora. To je čistije za vaša i za njihova srca."<sup>29</sup>

Ovaj ājet je jasan dokaz o obavezi pokrivanja lica žene niqābom, jer Allāh naređuje sakrivanje žena od muškaraca, negledanje u njihova lica (tj. traženje iza zastora) i kaže:

---

<sup>26</sup> <sup>11</sup> *El-Kešāf 'alā Haqā'iqit-Tenzīl...*, 3/274

<sup>27</sup> sūra el-Ahzāb, 59. ājet

<sup>28</sup> Tj. da pokriju svoja lica, šake i stopala

<sup>29</sup> sūra el-Ahzāb, 53. ājet

## DOKAZI ZA OBAVEZNOST POKRIVANJA LICA

ذٰلِكُمْ اَطَهَّرْ لِقُلُوْبِكُمْ وَقُلُوْبِهِنَّ

'To je čistije za vaša i njihova srca',

...tj. time se udaljujete od bluda.<sup>30</sup>

Kaže imām Ibn Džerīr et-Taberī (imām svih mufessirā):

*'Tj. ako nešto tražite od ženā Allāhovog Poslanika, sallallāhu 'alejhi we sellem, i drugih ženā vjernicā – neka između vas i njih bude zastor.'*<sup>31</sup>

Kaže Muhammed ibn Ahmed el-Qurtubī:

*'Ājet je dokaz dozvole razgovaranja sa ženama iza zastora, traženja onog što je potrebno i postavljanja šerī'atskog pitanja. On svojim značenjem obuhvata sve žene, na što ukazuje čvrst islamski princip po kome je žensko tijelo awret (stidno) i nije ga dozvoljeno*

---

<sup>30</sup> Ovdje ne mogu a da ne spomenem budalaštinu koju je izgovorio jedan student treće godine tefsira (!) sa kairskog 'El-Azhara', koji je u jednoj raspravi zastupao stav da je sklanjanje ženā od muškaraca i njihovo neizlaženje pred goste da bi ih poslužile – zastarjelo!

Naime, kada je upitan: **'A šta je onda sa ājetom: "A kada od njih nešto tražite, tražite to iza zastora..."'**? *Kako da ona izađe pred goste i posluži ih, ako je njima naređeno da sa njom kununiciraju iza zastora?'*, on je odgovorio: *'U redu, ona bude iza zastora, gosti zatraže, a ona poslije dođe, donese i pozdravi se sa njima.'*

Spomenuti "mudrac" je danas "glavni imām" (ne)Islamske zajednice glavog grada jedne od država bivše Jugoslavije!

<sup>31</sup> *'Tefsīr Ibn Džerīr', 22/39*

## **DOKAZI ZA OBAVEZNOST POKRIVANJA LICA**

*otkrivati, osim u slučaju potrebe, kao što je svjedočenje protiv žene, liječenje njenog tijela i slično.*<sup>11 32</sup>

Ebū Bekr ibnul-'Arebī je naveo slično tumačenje.

Kaže Ebū Bekr el-Džessās, učenjak hanefijskog medhheba, u svome *'Tefsīru'*:

*'Riječi Uzvišenog Allāha: 'A kada od njih nesto tražite - tražite to iza zastora' u sebi sadrže zabranu viđenja ženā Allāhovog Poslanika, sallallāhu 'alejhi we sellem, i pojašnjavaju da je to čišće za njihova srca i za srca ashābā. Razlog zabrane je taj što gledanje jednih u druge može pokrenuti strast. Upravo radi ovoga Uzvišeni Allāh strogo naređuje zastiranje (zaklanjanje, pokrivanje)... I pored toga što je objavljen posebnim povodom (povod su poslanikove žene), ājet ima opće značenje i obuhvata i druge žene. Naređeno nam je da slijedimo Allāhovog Poslanika, sallallāhu 'alejhi we sellem, osim u onim stvarima koje su specifične samo njemu.'*<sup>11 33</sup>

Kaže Bekr 'Abdullāh Ebū Zejd (član *'Stalne Komisije za fetve'*):

*'Kad je objavljen ovaj ājet, Allāhov Poslanik, sallallāhu 'alejhi we sellem, je zaklonio svoje žene od pogleda muškaraca, a isto su uradili i drugi ashābi. Tā se praksa održala među vjernicama u različitim vremenskim periodima, što ukazuje na općenitost ovog propisa i njegovu sveobuhvatnost.'*<sup>11 34</sup>

---

<sup>32</sup> *'El-Džāmi' u li Ahkāmīl-Qur'ān'*, 14/227.

<sup>33</sup> *'Ahkāmūl-Qur'ān'*, 3/369., 370.

<sup>34</sup> *'Hirasetul-Fadīletī'*, 46.

## DOKAZI ZA OBAVEZNOST POKRIVANJA LICA

### Trinaesti dokaz iz Qur'ana:

وَقَرْنَ فِي بُيُوتِكُنَّ وَلَا تَبَرَّجْنَ تَبَرُّجَ الْجَاهِلِيَّةِ الْأُولَىٰ

"U kućama svojim boravite i ljepotu svoju kao u davno pagansko doba ne pokazujte."<sup>35</sup>

Kaže Ibn Kethīr:

"Uzvišeni Allāh naređuje ženama da se razlikuju od ženā paganskog (džāhilijjetskog) doba i da ne čine ono što čine idolopoklonice."<sup>36 37</sup>

---

<sup>35</sup> sūra el-Ahzāb, 33. ājet

<sup>36</sup> A idolopoklonice su otrivale svoja lica. Vidi qur'ānski dokaz br. 11 i u njemu Qurtubijevo tumačenje tog ājeta

<sup>37</sup> "Tefsīr" Ibn Kethīra, 6./46.

***Dokazi  
iz sunneta  
(hadītha)***





## **DOKAZI ZA OBAVEZNOST POKRIVANJA LICA**

### **Prvi dokaz iz sunneta:**

Prenosi se da je 'Ā'īša *radijallāhu 'anhā*, rekla:  
*'Klanjao je Allāhov Poslanik, sallallāhu 'alejhi we sellem, sabah kojem su prisustvoovale i neke žene vjernice pokrivenene ogrtačima. Zatim su se vraćale kućama i nije ih niko prepoznao.*<sup>38</sup><sup>39</sup>

Činjenica je da su sve ashābijke, a ne samo žene Allāhovog Poslanika, sallallāhu 'alejhi we sellem, imale pokrivena lica (nosile niqāb). Tako bi u ovom slučaju – da su njihova lica bila otkrivena – one poznale jedna drugu.

U toku noći se vani, pod vedrim nebom, relativno lahko može prepoznati poznato lice, a poslije sabaha je još bolja vidljivost. Kako to da ashābijke nisu prepoznavale jedna drugu? Svakako, bile su pokrivenih licā.

### **Drugi dokaz iz sunneta:**

Prenosi se da je Esmā, *radijallāhu 'anhā*, rekla:  
*'Zastirale smo svoja lica od ljudi.'*<sup>40</sup>

---

<sup>38</sup> Tj. bile su pod himārima

<sup>39</sup> hadīth bilježe el-Buhārī 1.368, Muslim, Ebū Dāwūd, en-Nesā'ī, Ibn Mādže, Ahmed

<sup>40</sup> hadīth bilježi Hākim i *sahih* je po uslovima koje su postavili el-Buhārī i Muslim

## **DOKAZI ZA OBAVEZNOST POKRIVANJA LICA**

### **Treći dokaz iz sunneta:**

*"... 'Ā'iša je imala običaj da plače toliko puno da bi se njen pokrivač na licu natopio suzama."<sup>41</sup>*

### **Četvrti dokaz iz sunneta:**

U predajama koje spominju poznati slučaj potvore na majku vjernikā, 'Ā'išu, *radijallāhu 'anhā*, od strane munāfiqā, navodi se da je 'Ā'iša, radijallāhu 'anhā, imala pokriveno lice.

42

Dok su žene putovale, bile su u hovdama (huwdadž), malim zastrtim kućicama (nosiljkama) na kamilama, koje su bile potpuno zastrte, a što je još jedan dokaz za pokrivanje lica, tj. za zaklanjanje ženā od muškaraca. Jer, kakav bi bio smisao sklanjanja žena u kućama od pogleda gostiju, te smisao sklanjanja ženā u nosiljkama pri putovanju, ako bi se ženā pri izlasku iz kuće ili silasku sa nosiljke – pred muškarcima pojavila otkrivenog lica?

### **Peti dokaz iz sunneta:**

*"...Žene Allāhovog Poslanika, sallallāhu 'alejhi we sellem, su izlazile zbog nužde na mjesto el-Manasi (mjesto gdje su žene Medīne išle). Jedne prilike je Sewda, radijallāhu 'anhā<sup>43</sup> izašla, poslije naredbe o pokrivanju. Ona je bila veoma visoka žena i*

---

<sup>41</sup> hadīth bilježi el-Buhārī, 8.98

<sup>42</sup> hadīth bilježi el-Buhārī, 6.281, 6.274, 5.462, 3.829

<sup>43</sup> žena Allāhovog Poslanika, sallallāhu 'alejhi we sellem

## **DOKAZI ZA OBAVEZNOST POKRIVANJA LICA**

*svako ko ju je poznavao prije* <sup>44</sup> *mogao ju je prepoznati. 'Umer, radijallāhu 'anhu, ju je vidio, prepoznao je i rekao...'* <sup>45</sup>

Ovaj hadīth je jasan dokaz za pokrivanje lica, jer kada su objavljeni ājeti o pokrivanju lica – sve su ashābijke odmah pokrile lica, a ashābi koji su poznavali Sewdu, radijallāhu 'anhā, prije ājeta o pokrivanju lica, mogli su je prepoznati po njenoj visini ("**...onome što je ionako spoljašnje...**").

### **Šesti dokaz iz sunneta:**

Prenosi se da su majke mu'minā, žene Allāhovog Poslanika, *sallallāhu 'alejhi we sellem*, davale fetwe iza hidžāba (zastora). <sup>46</sup>

### **Sedmi dokaz iz sunneta:**

Prenosi se da je poslije bitke na Bedru, (2. godine nakon hidžre, tj. tri godine prije ājeta o naredbi hidžāba, tj. pokrivanja) Allāhov Poslanik, *sallallāhu 'alejhi we sellem*, je rekao:

**"...pokrivač, himār sa njenog lica <sup>47</sup> je bolji od čitavog dunjāluka i svega onoga što je na njemu."** <sup>48</sup>

---

<sup>44</sup> prije ājeta o pokrivanju

<sup>45</sup> hadīth bilježi el-Buhārī, 6.318, 7.164, 8.257, 1.148

<sup>46</sup> hadīth bilježi el-Buhārī, 7.473, 6.352, Muslim, 2.455

<sup>47</sup> lica džennetske hūrije

<sup>48</sup> hadīth bilježi el-Buhārī, 8.572

## **DOKAZI ZA OBAVEZNOST POKRIVANJA LICA**

Dakle, džennetske hūrije imaju pokrivače na licima.

### **Osmi dokaz iz sunneta:**

'Ā'īša, *radijallāhu 'anhā*, prenosi da joj je Allāhovo Poslanik, *sallallāhu 'alejhi we sellem*, nekoliko godina prije ājeta o himāru (naredbi pokrivanja), rekao:

**"Bila si mi prikazana dva puta u mojim snovima... Sklonio sam pokrivač sa tvoga lica..."**<sup>49</sup>

### **Deveti dokaz iz sunneta:**

U sīri (životopisu) Allāhovog Poslanika, *sallallāhu 'alejhi we sellem*, stoji:

**"Žena muslimanka je otišla na pijacu Benū Qajnuqā' da proda neku robu. Prodala je robu, a zatim je otišla do zlatara. Židovi se okupiše oko nje i zatražiše od nje da otkrije svoje lice..."**<sup>50</sup>

Ova ashābijka je imala pokriveno lice, a upravo je to iritiralo Židove.

### **Deseti dokaz iz sunneta:**

Ummu Seleme, *radijallāhu 'anhā*, prenosi da je Allāhovo Poslanik, *sallallāhu 'alejhi we sellem*, ušao kod nje kada se ona pokrivala i rekao joj:

**"Obavij jednom, nemoj dvaput."**<sup>51</sup>

---

<sup>49</sup> hadīth bilježi el-Buhāri, 7.57, 9.139

<sup>50</sup> *'Sīra'* Ibn Hišām

## **DOKAZI ZA OBAVEZNOST POKRIVANJA LICA**

Ummu Seleme, *radijallāhu 'anhā*, je pokrivala svoju glavu i lice.

### **Jedanaesti dokaz iz sunneta:**

Enes i Ebū Talha, *radijallāhu 'anhumā*, su bili sa Allāhovim Poslanikom, *sallallāhu 'alejhi we sellem*, dok je Safijja, *radijallāhu 'anhā*, bila iza Allāhovog Poslanika, *sallallāhu 'alejhi we sellem*, na devi. Poslije dijela pređenog puta, iznenada se noga deve podvila, tako da su Allāhov Poslanik, *sallallāhu 'alejhi we sellem*, i njegova žena pali. Ebū Talha je skočio sa svoje jahalice, došao do Allāhovog Poslanika, *sallallāhu 'alejhi we sellem*, i upitao: "Da li si povrijeđen?"

Allāhov Poslanik, *sallallāhu 'alejhi we sellem*, je odgovorio: "Nisam, ali povedi računa o ženi".

Ebū Talha je pokrio svoje lice ogrtačem i krenuo prema Safijji, *radijallāhu 'anhā*. Bacio je pokrivač preko nje i ona je tada ustala...<sup>52</sup>

### **Dvanaesti dokaz iz sunneta:**

'Alija, *radijallāhu 'anhu*, kaže: "Allāhov Poslanik, *sallallāhu 'alejhi we sellem*, je dobio svileni ogrtač, pa mi ga je poslao. Ja sam ga obukao i ubrzo mi je postalo

---

<sup>51</sup> hadīth bilježi Ebū Dāwūd

<sup>52</sup> hadīth bilježi el-Buhāri, 8.204, 4.319, 4.318

## **DOKAZI ZA OBAVEZNOST POKRIVANJA LICA**

*jasno da je Allāhov Poslanik, sallallāhu 'alejhi we sellem, bio ljut zbog toga. Rekao mi je: 'Alija, nisam ti poslao ogrtač da ga obučeš, već sam ti ga poslao da ga možeš poderati i od materijala napraviti himār za žene'.<sup>11 53</sup>*

### **Trinaesti dokaz iz sunneta:**

Prenosi se da se Hind bint 'Utbe, <sup>54</sup> kada je primila islām i došla kod Allāhovog Poslanika, *sallallāhu 'alejhi we sellem*, da obznani primanje islāma, obratila Allāhovom Poslaniku, *sallallāhu 'alejhi we sellem*, i da je nakon toga skinula pokrivač sa svoga lica <sup>55</sup> i rekla mu:

*'Ja sam Hind...'*

### **Četrnaesti dokaz iz sunneta:**

Prve muslimanke, ashābijke, *radijallāhu 'anhum*, su išle u džihād, donosile vodu ranjenicima, prenosile šehide i ranjenike, a sve su to radile pokrivenog lica.<sup>56</sup>

Dokaz da su ashābijke u džihādu bile pokriveno *himārima* jeste poznati primjer sa ashābijkom Hawlom, *radijallāhu 'anhā*, koja je bila u džihādu i od koje je, nakon jedne žestoke borbe Hālid ibn Welīd, *radijallāhu 'anhu*,

---

<sup>53</sup> hadīth bilježe el-Buhārī, Muslim, Ebu Dāwūd, en-Nesā'ī

<sup>54</sup> koja je prethodno, kao mušrikinja, ubila Hamzu, *radijallāhu 'anh*

<sup>55</sup> da bi je Allāhov Poslanik, *sallallāhu 'alejhi we sellem*, prepoznao

<sup>56</sup> hadīth bilježe el-Buhārī, 5.156,393, 6.80, 4.131, Muslim, 5.196, Ebū Dāwūd, 7.205, et-Tirmidhī, 5.301

## **DOKAZI ZA OBAVEZNOST POKRIVANJA LICA**

zatražio da otkrije svoje lice da bi na taj način ashābi saznali ko je osoba koja je u toku borbe ubila mnogo neprijatelja.

I mada je od zapovjednika mudžāhidā, Hālida, *radijallāhu 'anhu*, dobila naredbu da otkrije lice, ona to nije učinila, već je samo rekla svoje ime.

### **Petnaesti dokaz iz sunneta:**

Prenosi se da je došla Umejme, *radijallāhu 'anhā*, kod Allāhovog Poslanika, *sallallāhu 'alejhi we sellem*, da mu dā prisegu na islām, i da joj je on tada rekao:

*"Od tebe tražim da Allāhu širk ne činiš, da ne kradeš, zināluk ne činiš, ne ubijaš svoje dijete, da svojim rukama i nogama ne činiš velike grijeha, da ne naričeš i da se ne otkrivaš i ne pokazuješ svoje ukrase kao u doba džāhilijeta."*<sup>57</sup>

U džāhilijetsko (predislamsko) doba su žene pokrivala kosu, a otkrivala lice.<sup>58</sup> Ovo se navodi u mnogim tefsirima, kao npr. u ''Tefsiru'' Alusija.<sup>59</sup>

---

<sup>57</sup> hadīth bilježe imām Ahmed i en-Nesā'ī

<sup>58</sup> Pa zar da "pokrivanje" muslimanke danas bude istovjetno pokrivanju nevjernicā iz doba arapskog džāhilijeta, umjesto da bude poput pokrivanja ashābijki?

<sup>59</sup> A pogledaj i 11. qur'ānski dokaz i u njemu Qurtubijev komentar tog ājeta



## DOKAZI ZA OBAVEZNOST POKRIVANJA LICA

### Šesnaesti dokaz iz sunneta:

Enes, radijallāhu 'anhu, kaže:

'Ja najbolje znam kada je objavljen ājet: **'A kada od njih nešto tražite, tražite to od njih iza zastora...'** <sup>60</sup> To je bilo kada je Allāhov Poslanik, sallallāhu 'alejhi we sellem, oženio Zejneb, radijallāhu 'anhā. Pošto je objavljen ovaj ājet, Allāhov Poslanik, sallallāhu 'alejhi we sellem, je zastro zavjesom vrata između mene i njega.' <sup>61</sup>

Ovo je prvi ājet koji je objavljen o pokrivanju lica i sklanjanju žena, a objavljen je 6. godine nakon hidžre.

Važno je da ukažemo da je žena Allāhovog Poslanika, sallallāhu 'alejhi we sellem, i prije nego je objavljen ovaj ājet bila okrenuta prema zidu:

'...a njegova žena je licem bila okrenuta prema zidu...' <sup>62</sup>,

...tj. da je time (i prije naredbe) krila svoje lice, <sup>63</sup> a kada je ovaj ājet objavljen – tada su sve ashābijke pokrile lica.

---

<sup>60</sup> sūra el-Ahzāb, 53. ājet

<sup>61</sup> hadith bilježi el-Buhārī, 7.95, 7.376...

<sup>62</sup> hadith bilježe Muslim i et-Tirmidhī

<sup>63</sup> Pa zar da danas, nakon 14 stoljeća od kako je naredba objavljena, žene muslimanke dozvole da im lica budu otkrivena i tako dostupna pogledima muškaraca-stranaca, onako kako to nisu dozvoljavale prve muslimanke ni prije spuštanja naredbe pokrivanja?

## **DOKAZI ZA OBAVEZNOST POKRIVANJA LICA**

### **Sedamnaesti dokaz iz sunneta:**

Prenosi se od Enesa, *radijallāhu 'anhu*, da je Allāhov Poslanik, *sallallāhu 'alejhi we sellem*, nakon bitke na Hajberu ostao između Hajbera i Medīne tri dana, da bi proslavio svoju ženidbu sa Safijjom, *radijallāhu 'anhā*. Ashābi su rekli: "Ako je zastre (zakloni) od pogleda, uzeo ju je za ženu, a ako to ne uradi – uzeo ju je za robinju."<sup>64</sup>

Kojim od ova dva postupka je Allāhov Poslanik, *sallallāhu 'alejhi we sellem*, pokazao ashābima da je Safijju uzeo za ženu, a ne za robinju? Zastro (zaklonio) ju je od pogleda. Čime? Pokrila je svoje lice.

A šta je učinila da bi se razlikovala od robinjā? Pokrila je lice, jer su robinje imale otkrivena lica.<sup>65</sup>

### **Osamnaesti dokaz iz sunneta:**

U poznatom hadithu se spominje da su jedne noći Allāhov Poslanik, *sallallāhu 'alejhi we sellem*, i Safijja, *radijallāhu 'anhā*, prošli pored dvojice ensārijā,<sup>66</sup> pa kada su se ovi udaljili, pozvao ih je Allāhov Poslanik, *sallallāhu 'alejhi we sellem*, i rekao: "Sačekajte! Ovo je moja žena Safijja."<sup>67</sup>

---

<sup>64</sup> hadith bilježi el-Buhārī

<sup>65</sup> vidi 11. qur'ānski dokaz i u njemu Taberijev i Qurtubijev komentar na taj ājet

<sup>66</sup> ashābā Medinelijā

<sup>67</sup> da ne bi ovi pomislili da je on, *sallallāhu 'alejhi we sellem*, u društvu neke žene, koja nije njegova žena ili žena iz njegove

## **DOKAZI ZA OBAVEZNOST POKRIVANJA LICA**

Ashābi su se našli uvrijeđenim i rekli: "*SubhānAllāh, Allāhovo Poslaniče!*",<sup>68</sup> a on im je odgovorio: "*Šejtān zaista kruži kroz ljudsko tijelo kao što kruži krv*"<sup>69 70</sup>

Zašto ashābi nisu prepoznali Safijju, *radijallāhu 'anhā*, a jesu Allāhovog Poslanika, *sallallāhu 'alejhi we sellem*? Zato što su Allāhovog Poslanika, *sallallāhu 'alejhi we sellem*, vidjeli, a Safijju nisu, tj. jer je Safijja, *radijallāhu 'anhā*, bila pokrivenog lica.

### **Devetnaesti dokaz iz sunneta:**

Prenosi se od Ummu Seleme, *radijallāhu 'anhā*, da je rekla:

"Pošto je objavljen ājet: '**...i neka vela svoja spuste niza se...**', izašle su žene Medīne - *ensārijke* idući smireno kao da su im na glavama vrane. Na njima su bile crne haljine."<sup>1</sup>

A prenosi se od 'Ā'īše, *radijallāhu 'anhā*, da je rekla:

"...i tako mi Allāha, ja nisam znala boljih žena od ženā *Ensārijki* u njihovoj čvrstoći u prihvatanju Allāhove Knjige i njihovom vjerovanju u Objavu. U vrijeme kada je sūra *en-Nūr* objavljena, u kojoj Allāh kaže: '**...i neka vela svoja spuste na grudi svoje...**', ljudi su odmah rekli ove ājete svojim ženama, kćerkama, sestrama i ostaloj ženskoj rodbini. Svaka njihova žena, bez izuzetka je (istog momenta) uzela dio odjeće i time pokrila svoju glavu i lice, kao

---

najbliže rodbine, kojoj je on mahrem (tj. sa kojom mu je halāl boraviti, jer mu je harām oženiti je)

<sup>68</sup> u smislu: "*Zar da u tebe posumnjamo?*"

<sup>69</sup> Tj. sije sumnju

<sup>70</sup> hadīth bilježe el-Buhāri i Muslim

## **DOKAZI ZA OBAVEZNOST POKRIVANJA LICA**

*iskazivanje pokornosti i vjerovanja u ono što je Allāh objavio iz Svoje Knjige. Sljedećeg jutra su one bile iza Allāhovog Poslanika, sallallāhu 'alejhi we sellem, pokriveno kao da su crni gavranozi bili na njihovim glavama.*<sup>71</sup>

Ibn Hadžer al-Asqalānī, najpoznatiji komentator Buhārijine zbirke hadīthā, kaže da se ovo pokrivanje odnosi na lice.<sup>72</sup>

Ashābima je Uzvišeni Allāh zadovoljan, ashābi su ispravno razumijevali Objavu i sve slobodne ashābijke (osim starica, robinja, djevojčica i zarobljenica) su pokrivalo lica i to smatralo fardom, tj. Allāhovu naredbu o pokrivanju su shvatile kao obavezu pokrivanja lica.

### **Dvadeseti dokaz iz sunneta:**

Prenosi se da je Allāhovo Poslanik, *sallallāhu 'alejhi we sellem*, rekao:

**"Žena koja je u ihrāmu**<sup>73</sup> **ne treba da stavlja himār niti da oblači rukavice."**<sup>74</sup>

Ovaj hadīth, iako spominje otkrivanje, je jasan dokaz da žena (u situacijama mimo hadždža) mora pokriti lice i šake, jer je hadždž izuzetak i zato se ovo naglašava.

---

<sup>71</sup> hadīth bilježe el-Buhāri, 4758, 4759, 6282, Ebū Dāwūd, 32.4090

<sup>72</sup> <sup>11</sup> *Fethul-Bārī*

<sup>73</sup> u obredima hadždža

<sup>74</sup> hadīth bilježi el-Buhāri

## **DOKAZI ZA OBAVEZNOST POKRIVANJA LICA**

Ali kada u blizini ima ljudi, ženama je wādžib da pokriju lice i šake.

Od 'Ā'īše, radijallāhu 'anhā, se prenosi da je rekla:  
*'Ljudi na kamilama su prolazili pokraj nas (ženā) dok smo bile sa Allāhovim Poslanikom, sallallāhu 'alejhi we sellem, u ihrāmu (na hadždžu). Mi smo pokrivala naša lica himārom dok su prolazili pored nas, a poslije bismo ponovo otkrile lica (kada nije bilo muškaraca u blizini).'*<sup>75</sup>

Također se prenosi da je Fātima bint el-Mundhir, radijallāhu 'anhā, rekla:  
*'Pokrivala smo svoja lica, kada smo bili sa Esmom, radijallāhu 'anhā, u ihrāmu.'*<sup>76</sup>

Rekao je Muhammed ibn Sālih el-'Utthejmīn u odgovoru na pitanje hadždžijā o pokrivanju lica žene u današnjim uslovima, kada se uveliko izgubi stid, a na hadždžu su muškarci i žene sve više pomiješani:  
*'Danas je, u ovom vremenu, wādžib (obaveza) ženi da nosi niqāb i rukavice i kada je na hadždžu.'*<sup>77</sup>

---

<sup>75</sup> hadīth bilježe Ebū Dāwūd, Ahmed, Ibn Mādže, Mālik, Darequtnī i Bejheqī

<sup>76</sup> *'Muwettā'*, 20., hadis br. 5.16

<sup>77</sup> zbog sve većeg miješanja muškaraca i žena na hadždžu, do te mjere da u istom saffu budu muškarac i žena, ili da se ispred muškarca u saffu nađe žena

## **DOKAZI ZA OBAVEZNOST POKRIVANJA LICA**

### **Dvadeset prvi dokaz iz sunneta:**

Prenosi se da su žene, kada im je Allāhov Poslanik, *sallallāhu 'alejhi we sellem*, naredio da izađu na *musallu* <sup>78</sup> radi bajram-namāza, rekle:

*"Neke žene od nas nemaju džilbāb".*

Allāhov Poslanik, *sallallāhu 'alejhi we sellem*, im je na to rekao:

**"Neka uzmu džilbāb svoje sestre."** <sup>79</sup>

Ibn Mes'ūd, *radijallāhu 'anhu*, objašnjava šta je džilbāb i kaže:

"Džilbāb je ogrtač za čitavo tijelo, uključujući lice i šake." <sup>80</sup>

Ibn Tejmije kaže:

"Džilbāb znači ogrtač koji je Ibn Mes'ūd, radijallāhu 'anhu, protumačio kao ogrtač koji pokriva čitavo tijelo, uključujući glavu, lice i šake. Zato, nije halāl da žene otkriju svoja lica i šake." <sup>81</sup>

---

<sup>78</sup> Sunnet (praksa) Allāhovog Poslanika, *sallallāhu 'alejhi we sellem*, je bila da se bajram-namāz klanja na *musalli*, tj. otvorenom prostoru, a ne u *mesdžidu* (džamiji), da bi se muslimani jednoga mjesta okupili na jednom mjestu i svi zajedno klanjali bajram-namāz za imāmom muslimanā, pa makar u tom mjestu imalo i više *mesdžidā*. Allāhov Poslanik, *sallallāhu 'alejhi we sellem*, je izlazak na *musallu* naređivao i ženama, pa čak i onima koje su bile u *hajdhu* (mjesečnom pranju), s tim što bi one ostajale odvojene po strani i tako i one učestvovala u veličanju Allāha u ovome danu

<sup>79</sup> hadīth je *muttefekun alejh*, tj. bilježe ga i *el-Buhārī* i Muslim

<sup>80</sup> *"Fetwe"* od Ibn Tejmije, knj. 2., str. 110.

<sup>81</sup> *"Fetwe"* od Ibn Tejmije 2.110, kao i knjiga *"Hidžāb"* str. 15

## **DOKAZI ZA OBAVEZNOST POKRIVANJA LICA**

Džilbāb je ono čime se pokriva čitavo tijelo, a ne dio tijela.<sup>82</sup>

To je "veo", tj. "koprena".<sup>83</sup>

Allāhov Poslanik, *sallallāhu 'alejhi we sellem*, je zabranio ashābijkama (kojima je Allāh zadovoljan) da izađu otkrivenih lica među ashābe (kojima je Allāh zadovoljan) zbog 'ibādeta (na bajram-namāz).

Kako onda smije žena muslimanka danas da izađe bez niqāba na licu među muške zvijeri i pokvarenjake, a još uz to najčešće ide tamo gdje je Allāh zabranio?<sup>84</sup>

### **Dvadeset drugi dokaz iz sunneta:**

'Ā'īša, *radijallāhu 'anh*, kaže da je jednom prilikom došla žena sa pismom i predala ga je iza zastora.<sup>85</sup>

U knjizi "'Miškat'" se kaže:

"Ovdje su učenjaci hadītha objasnili da su prije ājeta<sup>86</sup> žene dolazile Allāhovom Poslaniku, *sallallāhu 'alejhi we sellem*, direktno, dok su poslije toga praktikovale pokrivanje lica i pred Allāhovim Poslanikom, *sallallāhu 'alejhi we sellem*."

---

<sup>82</sup> Ibn Hazm: "'El-Muhallā'", 3/217.

<sup>83</sup> ez-Zubejdi: "'Tadžul-arus'", korijen "'džlb'", 2/174 - 175.

<sup>84</sup> na pijace, tržnice, gurajući se o muškarce

<sup>85</sup> hadith bilježe en-Nesā'i i Ebū Dāwūd, 33/4154

<sup>86</sup> Tj. prije objavljivanja 53. ājeta sure el-Ahzāb

## **DOKAZI ZA OBAVEZNOST POKRIVANJA LICA**

### **Dvadeset treći dokaz iz sunneta:**

'Umer, *radijallāhu 'anhu*, je prije spuštanja ājeta o naredbi *himāra* tražio od Allāhovog Poslanika, *sallallāhu 'alejhi we sellem*, da naredi ženama da se zastru, da se sklone od pogleda muškaraca (da pokriju lica).<sup>87</sup>

Žene Allāhovog Poslanika, *sallallāhu 'alejhi we sellem*, i žene *ashābā* su prije ājeta o *hidžābu* iz nekih nužnih potreba izlazile is svojih kuća otkrivenog lica.<sup>88</sup> 'Umer, *radijallāhu 'anhu*, nije volio da muslimanke izlaze otkrivenih lica, pa je tražio od Allāhovog Poslanika, *sallallāhu 'alejhi we sellem*, da naredi ženama da ih pokriju. Ipak, Allāhov Poslanik, *sallallāhu 'alejhi we sellem*, nije naredio ženama da pokriju lica sve dok ājeti o pokrivanju lica nisu objavljeni.

### **Dvadeset četvrti dokaz iz sunneta:**

Iz hadītha br. 4 (kao i iz mnogih drugih) vidimo da je 'Ā'īša, *radijallāhu 'anhā*, imala pokriveno lice. Ali, da li je ona pokrivanje lica (koje je, kako vidimo, praktikovala) shvatala samo kao *mustehabb* (dobrovoljno), ili kao *wādžib* (obavezno)? Šta kaže ona u tom istom hadīthu?

---

<sup>87</sup> hadīth bilježi el-Buhārī, 1.395

<sup>88</sup> I ponovo pitanje: Pa zar da danas, nakon 14 stoljeća od kako je naredba objavljena, žene muslimanke dozvole da im lica budu otkrivena i tako dostupna pogledima muškaraca-stranaca, onako kako je to srdilo 'Umera, *radijallāhu 'anhu*, onako kako je to bio slučaj sa prvim muslimankama, prije spuštanja naredbe pokrivanja?



## **DOKAZI ZA OBAVEZNOST POKRIVANJA LICA**

Kaže:

'Safwān me je viđao prije nego što je naređeno pokrivanje. Kad me je ugledao kako ležim, rekao je: 'Innā lillāhi we innā ilejhi rādži'ūn', što me je probudilo iz sna. Zastrla sam svoje lice od njega džilbābom.'<sup>89</sup>

'Ā'īša, radijallāhu 'anhā, naglašava da ju je Safwān viđao prije nego što je naređeno (propisano) pokrivanje, a zatim je praktično pokazala da je pod pokrivanjem podrazumijevala pokrivanje lica.

Dakle, ne samo da je ona (a i sve druge ashābijke) imala pokriveno lice, već je pod naredbom pokrivanja podrazumijevala pokrivanje lica.<sup>90</sup>

Zašto je Safwān rekao: 'Innā lillāhi we innā ilejhi rādži'ūn'? Bilo mu je krivo, osjetio se grješnim što je 'Ā'īšu, radijallāhu 'anhā, vidio otkrivenog lica.

### **Dvadeset peti dokaz iz sunneta:**

Ženama je zabranjeno da oblače sandale zato što time pokazuju djelove stopalā. Allāhov Poslanik, sallallāhu 'alejhi we sellem, je zabranio ashābijkama i svim drugim muslimankama da otkriju djelove stopalā, a znamo da je stopalo žene manje zavodljivo od lica žene, što je jasan i dovoljan dokaz za pokrivanje lica.

---

<sup>89</sup> hadīth bilježe el-Buhārī i Muslim

<sup>90</sup> Jer, kaže: 'Safwān me je viđao prije nego što je naređeno pokrivanje'. Dakle, nakon naredbe pokrivanja, nije je više mogao viđati, jer se pokorila naredbi – pokrila je lice!

## **DOKAZI ZA OBAVEZNOST POKRIVANJA LICA**

Kada je rečeno 'Ā'iši, *radijallāhu 'anhā*, da neke žene oblače sandale, ona je odgovorila:

*"Allāhov Poslanik, sallallāhu 'alejhi we sellem, je prokleo takve žene."*<sup>91</sup>

Žena mora da pokrije stopala i u namāzu, a kamoli pred muškarcima, strancima.<sup>92</sup>

### **Dvadeset šesti dokaz iz sunneta:**

Rekao je Allāhov Poslanik, *sallallāhu 'alejhi we sellem*:  
*"Ko bude pustio svoju odjeću da mu se vuče iz oholosti, Allāh ga na Sudnjem Danu neće ni pogledati."*

Tad je rekla Ummu Seleme, *radijallāhu 'anhā*:

*"A šta će žene raditi sa svojim donjim haljinama?"*<sup>93</sup>

Allāhov Poslanik, *sallallāhu 'alejhi we sellem*, je rekao:

*"Neka spuste jedan pedalj ispod pete."*

Ona je rekla:

*"A šta ako im se ipak otkrije pete?"*

Allāhov Poslanik, *sallallāhu 'alejhi we sellem*, je rekao:

*"Onda neka spuste koliko je lakat i neka ne dodaju na to."*

94

---

<sup>91</sup> hadīth bilježi Ebū Dāwūd

<sup>92</sup> O tome da je *awret* žene i naredba njenog pokrivanja pred muškarcima veća nego u namāzu dovoljno govori podatak da svi učenjaci koji pokrivanje lica žene pred muškarcima smatraju obaveznim – zastupaju stav da ona lice i šake ne treba pokrivati u namāzu. Dakle, veći se dio tijela pokriva pred muškarcima-stranicima nego u namāzu.

<sup>93</sup> Tj. neće ih valjda i one podići iznad članaka, kao što je to muškarcima naređeno?

## **DOKAZI ZA OBAVEZNOST POKRIVANJA LICA**

Ashābijkama, najčistijoj generaciji kojom je Uzvišeni Allāh zadovoljan, a i svim drugim muslimankama je wādžib (obaveza) da zastru (pokriju) pete, a znamo da je stopalo žene manje zavodljivo od lica i šakā.

Pa kada žene moraju da pokriju stopala, kako da pokrivanje lica ne bude obavezno? <sup>95</sup>

### **Dvadeset sedmi dokaz iz sunneta:**

Rekao je Allāhovo Poslanik, *sallallāhu 'alejhi we sellem*:  
"Žena je awret. <sup>96</sup> Kad izađe iz kuće - šejtān je uljepša u ljudskim očima." <sup>97</sup>

---

<sup>94</sup> hadīth bilježe Ebū Dāwūd, 4105, en-Nesā'ī, Mālik i dr.

<sup>95</sup> Već smo čitaoca nekoliko puta zapitali: *Da li je moguće da Allāh naredi pokrivanje petā i stopala, a da ne naredi pokrivanje lica? Zar je moguće da se lakat mora pokriti, a da lice ne mora?* Ova analogija – koju smo upotrijebili već nekoliko puta, a koja je navela na nužni zaključak da je pokrivanje lica obavezno – je ne samo logički ispravna, već je i šeri'atski utemeljena, jer se dovodi u vezu sa šeri'atskim pravilom koje se zove "*Mefhūm el-Muwāfaqah*". Npr., iz zabrane čovjeku da bude neposlušan roditeljima i da im kaže riječ negodovanja "*Uf*", jasno se može zaključiti da je Uzvišeni Allāh time zabranio sve ono što je veće od toga. Ako je zabranjeno reći roditelju "*Uf*", na još većem stepenu zabrane je svakako ono što je veće od toga (viknuti na roditelja, uvrijediti ga, udariti ga,...), pa makar to i ne bilo spomenuto ni u jednom šeri'atskom tekstu. Šta onda reći za pokrivanje lica, koje je bilo praksa svih žena iz generacije kojoj je Allāh poslao Svog Poslanika? Šta reći za obaveznost pokrivanja lica, kome nije jedini dokaz ova ispravna i šeri'atski utemeljena analogija, već za njega postoji desetina dokaza iz Knjige i sunneta?

## **DOKAZI ZA OBAVEZNOST POKRIVANJA LICA**

Šejtān ljudima došaptava i uljepšava samo ono što oni vide i što im se može tim putem svidjeti, o čemu mogu razmišljati i što nakon toga mogu poželjeti. Ako žena pokrije veći dio tijela, ali lice ostavi otkriveno, ona time i dalje ostavlja muškarcima mogućnost da je vide, prepoznaju upamte, da im se ona sviđi, da o njoj razmišljaju, a time i šejtānu ostavlja mogućnost da im došaptava, uljepšava.

Zar žena muslimanka koja je pokrila svoje lice nije pozatvarala skoro sva vrata ovom šejtānovom djelovanju? Kako da je šejtān uljepša muškarcu kome je ona harām, kad je on nikada nije ni video? <sup>98</sup>

---

<sup>96</sup> Tj. čitavo njeno tijelo je stidno

<sup>97</sup> hadīth bilježi et-Tirmidhī, a el-Albānī ga je ocjenio sahihom u "Irwā'ul-Galīlu", broj hadītha 273.

<sup>98</sup> Koliko je velika razlika između pojave žene sa pokrivenim licem (sa jedne) i žene sa otkrivenom licem, pa makar pokrila sve mimo lica (sa druge strane) dovoljno govori i izraz koji sam gore spomenuo: *...kad je on nikada nije ni video...* Jer, muškarac od žene sa pokrivenim licem (i, naravno, pokrivenim i ostatkom tijela) ne vidi ama baš ništa, ne zna je li crnkinja, bjelkinja, ne zna ima li žena pod tim niqābom 17 ili 57 godina, da li je lijepa ili ne,... Može je vidjeti svaki dan na ulici, a da i ne zna da je to ona ista koju je video jučer... Za razliku od toga, ma koliko bila skromna, čedna i čestita, žena otkrivenog lica može lahko, a da za to i ne zna, postati predmet razmiljanja ili želje nekog stranog muškarca i time nositi i svoj i njegov grijeh; svoj jer nije pokrila lice i jer se izložila pogledima muškaraca, a njegov grijeh gledanja u nju i mogućeg kasnijeg razmišljanja o njoj i njenoj ljepoti (a čemu je ona bila uzrok svojim otkrivanjem lica), a da se njemu time ništa ne umanjii od njegovoga grijeha (jer je njemu bilo naređeno da obori pogled)

## DOKAZI ZA OBAVEZNOST POKRIVANJA LICA

### Dvadeset osmi dokaz iz sunneta:

Rekao je Allāhovo Poslanik, *sallallāhu 'alejhi we sellem*:  
"Kada neko od vas prosi ženu<sup>99</sup> - nije mu grijeh da je vidi".

100

Prenosi se od Džābira, *radijallāhu 'anhu*, da je rekao:  
"Prošio sam djevojku i gledao je, a da ona to nije primjetila, sve dok nisam vidio ono što mi je ukazalo da je oženim."<sup>101</sup>

Znači, ženi je dozvoljeno da pokaže svoje lice samo prosiocu za vrijeme prosidbe, što je jasan dokaz za pokrivanje lica.

Kada je ashāb Mugīre, *radijallāhu 'anhu*, otišao da prosi djevojku, kaže:

"...Zatim sam čuo djevojku kako iz svoga kutka sobe govori..."<sup>102</sup>

...što je jasan dokaz skrivanja (sklanjanja), tj. da žena treba pokriti svoje lice.

Mugīre je tražio dozvolu od njenih roditelja da joj vidi lice, a što je dokaz za pokrivanje lica, zato što samo za ono što je pokriveno i što mora biti pokriveno se traži dozvola da se otkrije.

---

<sup>99</sup> dakle, samo tada!

<sup>100</sup> hadīth bilježe imām Ahmed, el-Buhārī i dr.

<sup>101</sup> hadīth bilježe el-Buhārī, Muslim, Ebū Dāwūd, et-Tirmidhī, Ibn Mādže, Ahmed i en-Nesā'ī

<sup>102</sup> hadīth bilježi Ibn Mādže

## **DOKAZI ZA OBAVEZNOST POKRIVANJA LICA**

Mugīre, *radijallāhu 'anhu*, je čuo samo njen glas, što znači da je njeno lice bilo pokriveno, jer je djevojka bila u istoj sobi (a nije je mogao vidjeti). Tek kada je dobio dozvolu da vidi lice djevojke,<sup>103</sup> djevojka je otkrila lice.

Dakle, Allāhov Poslanik, *sallallāhu 'alejhi we sellem*, je dozvolio da onaj koji prosi da može da vidi lice. Ako pokrivanje lica nije obavezno (već samo pohvalno), zašto postoji dozvola Allāhovog Poslanika, *sallallāhu 'alejhi we sellem*, da žena može da otkrije lice samo prosiocu?

Od Ibn Mesleme, *radijallāhu 'anhu*, se prenosi da je rekao da je tražio šansu da vidi djevojku koju je prosio, pa je vidio ispod palme<sup>104</sup> zato što je djevojka sve vrijeme bila pokrivenog lica, osim u situaciji kada nema muškaraca u blizini.

### **Dvadeset deveti dokaz iz sunneta:**

Bile su kod Allāhovog Poslanika, *sallallāhu 'alejhi we sellem*, njegove žene Ummu Seleme i Mejmūna, *radijallāhu 'anhumā*, pa je dosao 'Abdullah ibn Um̄mi Mektūm, *radijallāhu 'anhu* (ashāb koji je bio slijep), pa im je Allāhov Poslanik, *sallallāhu 'alejhi we sellem*, naredio da se zastru (pokriju lica) od njega.

Rekle su:

'Allāhov Poslanice, on je slijep i ne vidi nas'.

---

<sup>103</sup> što je i Allāhov Poslanik, *sallallāhu 'alejhi we sellem*, dozvolio, pa su roditelji po toj dozvoli postupili

<sup>104</sup> hadīth bilježi Ibn Mādže

## **DOKAZI ZA OBAVEZNOST POKRIVANJA LICA**

Allāhov Poslanik, *sallallāhu 'alejhi we sellem*, je odgovorio:

**"A jeste li vas dvoje slijepi? Vidite li vi njega?"**<sup>105</sup>

### **Trideseti dokaz iz sunneta:**

Prenosi se od 'Abdullāha ibn Mes'ūda, *radijallāhu 'anhu*, da je Allāhov Poslanik, *sallallāhu 'alejhi we sellem*, rekao:

**"Neka ni jedna žena ne opisuje drugu ženu svome mužu, i time mu dočara njen izgled, kao da on gleda u nju."**<sup>106</sup>

Ako je ženi zabranjeno da opisuje svome mužu izgled druge žene, kako može biti dozvoljeno da ta (druga) žena otkrije svoje lice i time se izloži pogledima ljudi?

Ako je ženi dozvoljeno otkriti lice, nema potrebe za zabranom opisivanja izgleda određene žene, jer ta je žena uveliko dostupna pogledima muškaraca kada se pojavi na ulici!

---

<sup>105</sup> Ovaj hadīth govori o zabrani međusobnog gledanja. Ako znamo da su učenjaci prvih generacija su spominjali zabranu gledanja u lice ćosavog (golobradog) mladića (jer njegovo lice sličī ženskom), šta reći za gledanje u lice žene, još ako je mlada i lijepa, od strane svakog prolaznika, prodavca,...?

<sup>106</sup> Ibn Hadžer el-Asqalānī, '*Fethul-Bāri*', '*En-Nikāh*', 9/338, hadīth 5240-5241

## **DOKAZI ZA OBAVEZNOST POKRIVANJA LICA**

### **Trideset prvi dokaz iz sunneta:**

Prenosi se da je Allāhov Poslanik, *sallallāhu 'alejhi we sellem*, naredio Sewdi, *radijallāhu 'anhā*, da se pokrije pred djetetom 'Utbetom, *radijallāhu 'anhu...*

'...Tako da je od tada dječak nije nikada ponovo vidio, niti je Sewda, radijallāhu 'anhā, vidjela njega.'<sup>107</sup>

### **Trideset drugi dokaz iz sunneta:**

Prenosi se da je kod 'Ā'iše, *radijallāhu 'anhā*, ušla Hafsa bint 'AbdiuRahmān, na čijem je licu bio tanak prekrivač. 'Ā'iša, *radijallāhu 'anhā*, je uzela njen himār, poderala ga i rekla: "Zar ne znaš šta je Allāh objavio u suri en-Nūr?" Zatim joj je dala drugi – deblji, neprovidni himār.<sup>108</sup>

Dakle, ova je žena imala pokriveno lice, ali joj je niqāb bio providan. Ako je pokrivanje lica neobavezno, već je samo pohvalno, zašto joj je 'Ā'iša ovo uradila? Zar je prisiljavala žene na "pohvalna" djela?

Na kraju, šta ju je upitala, vidjevši na njenom licu tanak prekrivač? Upitala ju je:

'Zar ne znas šta je Allāh objavio u suri en-Nūr?',

...a onda praktično pokazala da ona naredbu iz sure en-Nūr shvata kao obavezu pokrivanja lica.

---

<sup>107</sup> hadīth bilježi el-Buhārī, 3.421, 3.269, 5.596, 3.710, 4.8

<sup>108</sup> hadīth bilježi Mālik u svojom djelu *"Muwetta"*



## **DOKAZI ZA OBAVEZNOST POKRIVANJA LICA**

### **Trideset treći dokaz iz sunneta:**

Prenosi se da je 'Ā'iša, radijallāhu 'anhā, rekla:

*'Ulazila sam u sobu u koju su ukopani Allāhov Poslanik, sallallāhu 'alejhi we sellem, i moj babo (Ebū Bekr), a nisam na sebi imala džilbāb, govoreći: 'To su (samo) moj muž i babo'. Ali kada je nakon toga 'Umer, radijallāhu 'anhu, tu ukopan, nisam više ulazila u sobu, a da nisam imala na sebi džilbāb, zato što sam se stidjela 'Umera, radijallāhu 'anhu.'*<sup>109</sup>

SubhānAllāh! 'Ā'iša, radijallāhu 'anhā, se stidjela da otkrije svoje lice ispred mezarja, ispred mrtvog 'Umera, radijallāhu 'anhu, a danas žene vjernice hladnokrvno otkrivaju lica pred živim muškarcima!

---

<sup>109</sup> predaju bilježe Hākim i Ibn Asākir, a predaja je *sahih* prema uslovima koje su postavili el-Buhārī i Muslim (et-Tirmidhī 1771)

***Dokazi  
iz riječi  
učenjakā***



## **DOKAZI ZA OBAVEZNOST POKRIVANJA LICA**

### **Prvi dokaz iz riječi učenjaka:**

Učenjaci koji pokrivanje lica ne smatraju obavezom (već samo sunnetom) ipak podstiču na njega i smatraju ga boljim i pohvalnijim od njegovog otkrivanja.

Kaže Mustafā el-'Adewī:

*"Napominjem da se mi i čestiti i pravedni učenjaci, koji se sa nama ne slažu oko obaveze pokrivanja lica, ne razilazimo oko toga da je pokrivanje lica bolje, potpunije i bliže bogobožnosti i Allāhovom zadovoljstvu."*<sup>110</sup>

### **Drugi dokaz iz riječi učenjaka:**

Fiqhsko pravilo glasi:

*"Otklanjanje štete i puteva koji vode ka njoj je preče od pribavljanja koristi".*

U smislu navedenog pravila mogu se postaviti pitanja:

*"Šta je ustvari šteta, a šta korist?"*

*"Da li je veća šteta ako žena otkrije lice ili ako ostane neobrazovana i nezapošljena, domaćica i majka?"*<sup>111</sup>

*"Da li je veća korist ako se žena školuje, zaposli i pomiješa sa muškarcima (a to nužno podrazumijeva i nemoral, bolesti i*

---

<sup>110</sup> "El-Hidžābu edilletul-mudžibin we subehul-muhaliḥin", 4., 5.

<sup>111</sup> Ovo su neke od navodnih štetā koje spominju modernisti, a koje (po njima) proizilaze iz ženinog pokrivanja lica, iako nije tačno da žena pokrivenog lica nema šanse da se obrazuje

## **DOKAZI ZA OBAVEZNOST POKRIVANJA LICA**

*vanbračnu djecu) ili ako ostane čedna i stidna, temelj zdrave porodice?"*

Ukoliko žena otkrije lice, ona na sebe direktno i svjesno privlači poglede muškaraca i postaje predmetom "zurenja", komentara, opisivanja, polemika među muškim polom. Kao što reče pjesnik:

*"Prvo letimični pogled, pa onda duži,  
potom osmijeh, pa selām, pa nekoliko riječi,  
potom susret, pa izlazak,  
pa osama, i onda..."*

U ovome i jeste mudrost naredbe o pokrivanju lica.

Sa druge strane, nestanak morala i stida, blud, razvrat, homoseksualizam, porast broja nezakonite djece, raširenost polnih bolesti i sve češći razvodi braka su samo neki od štetā koje proizilaze iz ženinog otkrivanja lica, izlaska iz kuće i onoga što za tim slijedi, što je svima poznato, a svi ga prećutkuju.

### **Treći dokaz iz riječi učenjaka:**

Kaže hāfidh Ibn Hadžer el-Asqalānī:

*"Praksa koja se ustalila u generacijama prije nas i u naše vrijeme jeste pokrivanje lica žene pred muškarcima."*<sup>112</sup>

---

<sup>112</sup> "Fethul-Bārī", 9/224

## **DOKAZI ZA OBAVEZNOST POKRIVANJA LICA**

### **Četvrti dokaz iz riječi učenjaka:**

Kaže Bekr 'Abdullāh Ebū Zejd, član "Stalne Komisije za fetwe":

"Postoje dva praktična konsenzusa, koja su se u ovom ummetu prenosila sa generacije na generaciju: provi je boravak žene u kući i njeno neizlaženje bez velike potrebe i nužde, a drugi je nepojavljivanje žene pred muškarcem (strancem) otkrivenog lica i u ukrašenoj odjeći."

### **Peti dokaz iz riječi učenjaka:**

Nekoliko poznatih učenjaka, među kojima su najistaknutiji Ibn 'AbdulBerr, *imām* en-Newewī i šejhul-islām Ibn Tejmije, zabilježili su ova dva konsenzusa u islamskom ummetu.

### **Šesti dokaz iz riječi učenjaka:**

Kaže Bekr 'Abdullāh Ebū Zejd:

"Niko od učenjaka nije dozvolio otkrivanje lica u vremenima smutnje, udaljavanja ljudi od prave vjere i povećavanja broja pokvarenjaka. U tom slučaju, svi se oni slažu da je pokrivanje lica obaveza, što je prenijelo i zabilježilo nekoliko učenjaka."<sup>113</sup>

---

<sup>113</sup> "Hirasetul-Fadīle", 83.

## **DOKAZI ZA OBAVEZNOST POKRIVANJA LICA**

### **Sedmi dokaz iz riječi učenjaka:**

Stav hanefijske pravne škole:

*'Awret* <sup>114</sup> *kod slobodne žene je čitavo tijelo, osim lica i šaka.'* <sup>115</sup>

Ali, i hanefije ženi, u vremenima smutnji i udaljavanja ljudi od vjere, zabranjuju da otkrije svoje lice, iako to ne čine zato što je ono *awret*, već zbog *fitne* koju ona može izazvati. Zabrana se pojačava ako je žena uz to još i mlada i lijepa.

### **Osmi dokaz iz riječi učenjaka:**

Stav mālikijske pravne škole:

*'Čitavo žensko tijelo je awret, osim lica i šaka. Awret slobodne žene pred strancem je cijelo tijelo osim lica i šaka.'*

Ibn Tejmije je rekao da se kod žene čitavo tijelo smatra *awretom*, te da se čitavo mora pokriti bez izuzetka i kaže da je to, ustvari, mišljenje imāma Mālika. <sup>116</sup>

### **Deveti dokaz iz riječi učenjaka:**

Stav šafi'ijske pravne škole:

*'Cijelo tijelo žene, osim lica i šaka je awret.'* <sup>117</sup>

---

<sup>114</sup> stidno mjesto, koje se mora pokriti

<sup>115</sup> Ibnul-Hemam el-Hanefi: '*Šerh Fethul-Qadīr*', 1/225.

<sup>116</sup> Ibn Tejmije: '*Hidžabul-Mer'e el-Muslime*', str. 14.

<sup>117</sup> En-Newewi, '*El-Medžmū'*', 3/173.

## **DOKAZI ZA OBAVEZNOST POKRIVANJA LICA**

Na drugom mjestu je rečeno:

'Awret žene je cijelo tijelo, bez izuzetka.'<sup>118</sup>

### **Deseti dokaz iz riječi učenjaka:**

Stav hanbelijske pravne škole:

'Cijelo žensko tijelo je awret, čak i nokti.'<sup>119</sup>

'Lice i šake su awret van namāza i gledanje u njih je kao i gledanje u ostale dijelove tijela (zabranjeno).'<sup>120</sup>

### **Jedanaesti dokaz iz riječi učenjaka:**

Kaže Ibn Hadžer el-Asqalānī:

'Ogrtač žene je nazvan himārom zato što zastire (pokriva) njeno lice.'<sup>121</sup>

### **Dvanaesti dokaz iz riječi učenjaka:**

Stav Ibn Mes'ūda, radijallāhu 'anhu, je da je pokrivanje lica obavezno. A ko je Ibn Mes'ūd?

---

<sup>118</sup> 'Hašijetu Kalbubi we Umejre', 1/177.

<sup>119</sup> Ibn Tejmije: 'Hidžabul-Mer'e el-Muslime', str. 14-33.

<sup>120</sup> Ibnu Qudāme el-Maqdisī: 'El-Ikna', 1/88 i 'Keššaful-kinna' od Bejheqija, 1/309.

<sup>121</sup> 'Fethul-Bārī', 10./48.



## **DOKAZI ZA OBAVEZNOST POKRIVANJA LICA**

On je jedan od najučenijih ashābā. On kaže za sebe:  
*"Nema ājeta, a da ne znam da li je objavljen danju ili noću, gdje i povodom čega. Tako mi Allāha, da znam da ima iko učeniji od mene u Allāhovoj vjeri, osedlao bih jahalicu i sad bih mu pošao."*

### **Trinaesti dokaz iz riječi učenjaka:**

Stav Ibn 'Abbāsa, radijallāhu 'anhu, je da je pokrivanje lica obavezno. A ko je 'Abdullāh ibn 'Abbās?

Allāhov Poslanik, *sallallāhu 'alejhi we sellem*, je za njega učio dovu:

*"Allāhu, daj da razumije vjeru i poduči ga razumijevanju Qur'āna."*

Bereketom ove dove Allāhovog Poslanika, *sallallāhu 'alejhi we sellem*, stekao je ogromno znanje, pa je dobio počasne nadimke: "Tumač Qur'āna", "More" i "Učenjak ummeta".

Ibn Mes'ūd za njega kaže:

*"Divan li je Ibn 'Abbās tumač Qur'āna!"*

Njegov učenik, tabi'in Mudžāhid je rekao:

*"Ibn 'Abbāsa su nazvali 'More' zbog njegovog ogromnog znanja!"*

Mudžāhid je također rekao:

*"Kad bi on nesto tumačio, na njegovom licu bi se vidjelo svjetlo!"*

Opisujući Ibn 'Abbāsov način tumačenja Qur'āna, 'Alija, *radijallāhu 'anhu*, je rekao:

## **DOKAZI ZA OBAVEZNOST POKRIVANJA LICA**

*"Kao da gleda u gajb (skriveno) kroz tanki zastor!"*

A 'Abdullāh ibn 'Umer, radijallāhu 'anhu, je za njega rekao:

*"Među svim pripadnicima Muhammedovog ummeta, najbolji poznavalac onoga što je objavljeno Muhammedu je Ibn 'Abbās!"*

A šta 'Abdullāh ibn 'Abbās kaže po pitanju pokrivanja žene i obaveznosti pokrivanja lica? On kaže:

"Uzvišeni Allāh je ženama vjernikā naredio da, kada izlaze zbog neke potrebe, pokriju svoja lica niqābima, a da u nuždi otkriju jedno oko."

Ovo je, ujedno, jedina vjerodostojna predaja od Ibn 'Abbāsa po pitanju tumačenja ovog ājeta.<sup>122</sup>

---

<sup>122</sup> Tj. 59. ājeta sūre el-Ahzāb



***Dokazi onih koji  
dozvoljavaju  
otkrivanje lica  
i komentar  
na te njihove  
dokaze***



## DOKAZI ZA OBAVEZNOST POKRIVANJA LICA

### NJIHOVI DOKAZI IZ QUR'ANA

Riječi Uzvišenog Allāha:

وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا

"...i neka ne dozvole da se od ukrasa njihovih vidi išta osim onoga što je ionako spoljašnje..."<sup>123</sup>

#### **Prvo iz Qur'ana što uzimaju za dokaz:**

Ibn Džerīr et-Taberī navodi lanac prenosilaca do Ibn 'Abbāsa, *radijallāhu 'anhu*, da je on rekao:

"*Ovo se odnosi na surmu i prsten*".

Ova predaja je *da'if* (slaba i neprihvatljiva) zato što se u njenom lancu nalazi Muslim ibn Kejsan el-Mulā'i, koji je za učenjake hadītha slab prenosilac.<sup>124</sup>

#### **Drugo iz Qur'ana što uzimaju za dokaz:**

Ibn Džerīr et-Taberī u komentaru istog ājeta navodi lanac prenosilaca do Ibn 'Abbāsa, koji je to (što se smije pokazati) protumačio riječima:

"*To su obrazi i surma*".

---

<sup>123</sup> sūra en-Nūr, 31. ājet

<sup>124</sup> "*Takrīb- Tehzīb*", 463.

## **DOKAZI ZA OBAVEZNOST POKRIVANJA LICA**

Kaže Mustafā el-'Adewī:

"Lanac ovog hadītha je krajnje slab, odbacujemo ga i ne pridajemo mu nikakvu pažnju. Jer, Ibn Humejd (u lancu ove predaje), šejh Ibn Dzerīra, je slab prenosilac."<sup>125</sup>

U lancu ove predaje je i Nehsel, koji je također slab prenosilac.<sup>126</sup>

Ovu predaju prenosi Dahhāk ibn Muzāhim od Ibn 'Abbāsa, ali se kaže da je on nije mogao čuti od Ibn 'Abbāsa.<sup>127</sup>

### **Treće iz Qur'ana što uzimaju za dokaz:**

Ibn Dzerīr et-Taberī u komentaru istog ājeta navodi lanac prenosilaca do Ibn 'Abbāsa, da je on, navodno, za "**...ono što je ionako spoljašnje...**" (i što se smije pokazati) rekao:

*"To su lice, surma, kna na rukama i prsten. Ove ukrase smije pokazivati u kući onima koji budu ulazili kod nje".*

Predaja je da'īf (slaba) zato što u lancu prenosilaca postoji prekid, tj. 'Alī ibn Ebi Talha nije ovu predaju mogao čuti od Ibn 'Abbāsa.

---

<sup>125</sup> "'Takrībut-Tehzīb'", 410.

<sup>126</sup> "'Takrībut-Tehzīb'", 497.

<sup>127</sup> "'El-Hidžāb'", 36.

## DOKAZI ZA OBAVEZNOST POKRIVANJA LICA

### Četvrto iz Qur'ana što uzimaju za dokaz:

Ibn Džerīr et-Taberī u komentaru istog ājeta navodi lanac prenosilaca do Ibn 'Abbāsa da je on, navodno, za "**...ono što je ionako spoljašnje...**" rekao:

*"To su prsten i narukvica"*.

Predaja je *da'īf* (slaba) zato što od Ibn 'Abbāsa ove riječi prenosi Ibn Džurejdž, ali ih on nije mogao čuti od Ibn 'Abbāsa, niti ga vidjeti, jer je između njih dvojice velika vremenska razlika.





## DOKAZI ZA OBAVEZNOST POKRIVANJA LICA

### NJIHOVI DOKAZI IZ SUNNETA (HADĪTHA)

#### **Prvo iz sunneta što uzimaju za dokaz:**

Od Ibn 'Abbāsa se prenosi da je rekao:  
*'Allāhov Poslanik, sallallāhu 'alejhi we sellem, je na dan klanja kurbana na svoju jahalicu postavio Fadla ibn 'Abbāsa, radijallāhu 'anhu, koji je bio poznat kao lijep mladić. Toga dana je Allāhov Poslanik, sallallāhu 'alejhi we sellem, odgovarao na pitanja i u jednom trenutku mu je prišla žena svjetlog lica iz plemena Has'am i postavila pitanje. Fadl je pogledao u nju i bio zadovoljen njenom ljepotom. Kada se Allāhov Poslanik, sallallāhu 'alejhi we sellem, okrenuo, primjetio je da Fadl gleda u nju. Uzeo ga je za bradu i okrenuo njegovo lice na drugu stranu.'*<sup>128</sup>

Ovaj hadīth je da'īf (slab i neprihvatljiv) jer se u njegovom lancu nalazi 'AbdurRahmān ibn Hārith ibn 'Ajaš ibn Ebī Rebī'a, za kojeg su Ahmed, Nesā'ī i 'Alī el-Medīnī rekli da je slab prenosilac.

Na slabost ove predaje upućuje i to da se u drugim, vjerodostojnim predajama ovog hadītha navodi da je Allāhov Poslanik, sallallāhu 'alejhi we sellem, postavio Fadla na svoju jahalicu kada su krenuli sa Muzdelife na Minu, a u ovoj se predaji spominje da je to učinio kada su prošli dolinu Muhassir. Ispravno je da se pitanje dogodilo na dan

---

<sup>128</sup> hadīth bilježe Ebū Dāwūd, en-Nesā'ī i drugi

## **DOKAZI ZA OBAVEZNOST POKRIVANJA LICA**

kurbana rano ujutro, dok se Allāhov Poslanik, *sallallāhu 'alejhi we sellem*, kretao sa Muzdelife ka Mini, te da je žena koja je postavila pitanje bila u ihrāmu. <sup>129</sup>

Kaže hāfidh Ibn Hadžer el-Asqalānī: <sup>130</sup>

"Sporno je koristiti ovaj hadīth za dozvolu otkrivanja lica, jer je spomenuta žena bila u ihrāmu." <sup>131</sup>

A uz sve to je ovaj hadīth (kao sto smo gore napomenuli) da'if (slab i neprihvatljiv).

### **Drugo iz sunneta što uzimaju za dokaz:**

Prenosi 'Ā'īša, *radijallāhu 'anhā*, da je njena sestra Esma ušla u prozirnoj odjeći u sobu u kojoj je bio i Allāhov Poslanik, *sallallāhu 'alejhi we sellem*, pa se on okrenuo od nje i rekao: "*Esma, kad žena dostigne punoljetnost, ne smije pokazivati od svoga tijela (ništa drugo) osim ovo i ovo*", ...pokazujući na lice i šake. <sup>132</sup>

Ovaj hadīth se ne može smatrati dokazom za dozvoljenost otkrivanja lica zbog čak 3 razloga:

- a) Dokazano je da Hālid ibn Durejk, koji ovaj događaj prenosi od 'Ā'īše nije ovaj hadīth čuo od nje. Naime, i sam Ebū Dāwūd je, nakon što je zabilježio ovaj hadīth,

---

<sup>129</sup> pogledaj "*Sahīhu Muslim*", 3./414.

<sup>130</sup> nakon sto je naveo tvrdnju Ibn Bettala da ovaj hadīth upućuje na dozvolu otkrivanja lica

<sup>131</sup> "*Fethul-Bārī*", 11./10.

<sup>132</sup> hadīth bilježi Ebū Dāwūd i kaže da je *mursel*

## **DOKAZI ZA OBAVEZNOST POKRIVANJA LICA**

naglasio da je on *mursel* (prekinut). To, ustvari, znači da je hadīth ujedno i *da'if* (slab i neprihvatljiv), jer nema spojen lanac prenosilaca.

- b) U lancu ovog hadītha se nalazi Se'īd ibn Bešīr, kojeg su učenjaci hadītha okarakterisali kao slabog prenosioca, posebno u hadīthima koje on prenosi od Qatāde, a ovo je uravo jedan od tih hadītha.<sup>133</sup>
- c) Sāma kasnija praksa Esmē, radijallāhu 'anhā, koja je ovdje navodno bila upozorena od strane Allāhovog Poslanika, sallallāhu 'alejhi we sellem, da mora pokriti sve osim lica i šaka, govori u prilog argumentaciji da je pokrivanje lica obavezno i pokazuje da je ovaj hadīth slab. Naime, iz sahih hadīthā saznajemo da je Esma nosila niqāb, odnosno pokrivala svoje lice.<sup>134</sup>

### **Treće iz sunneta što uzimaju za dokaz:**

Od Džābira, radijallāhu 'anhu, se prenosi da je rekao:  
*"Prisustvovao sam bajram-namazu u vrijeme Allāhovog Poslanika, sallallāhu 'alejhi we sellem. Prvo što je Allāhov Poslanik, sallallāhu 'alejhi we sellem, uradio taj dan jeste da je klanjao namāz za koji nije proučen ni edhān ni iqāmet. Poslije toga je ustao, oslonio se na Bilāla i savjetovao ljude da budu bogobojazni i pokorni Allāhu i Njegovom Poslaniku. Nakon što je završio sa govorom i podsjećanjem, otišao je do ženā, te i njima uputio nekoliko savjeta. Podsjetio ih je na Allāha i rekao im: 'Udijelite na Allāhovom putu; većina od vas (ženā) će biti*

---

<sup>133</sup> 'Takrīb-ut-Tehzīb', 173.

<sup>134</sup> pogledaj hadīth br. 2. i kraj hadītha br. 20.

## DOKAZI ZA OBAVEZNOST POKRIVANJA LICA

*dzehennemsko gorivo!* Tada je iz sredine sijela ustala žena crnog i promijenjenog lica i rekla: 'Allāhov Poslaniče, zašto to?' 'Zato što se mnogo žalite i nijećete (poričete) dobročinstvo svojih muževa', odgovorio je Allāhov Poslanik, sallallāhu 'alejhi we sellem.'<sup>135</sup>

Džābirove riječi:

"...žena crnog i promijenjenog lica..."

...ukazuju na to da njeno lice nije bilo pokriveno i da ga je Džābir vidio.

Međutim, u nekim prepisima Muslimove zbirke hadīthā se, umjesto "...ustade žena crnog i promijenjenog lica..." kaže:

"...ustade žena iz nižeg staleža, crnog i promijenjenog lica..."

Tako stoji i u predajama istog hadītha koje su zabilježili Ahmed, Nesā'ī, ed-Dārimī, Bejheqī i Ibn Ebī Šejbe.

Time se mijenja značenje i razumije se da se radilo o robinji ('...žena iz nižeg staleža...'), a robinjama je dozvoljeno da otkriju lica.<sup>136</sup>

A da je robinjama dozvoljeno otkriti lice imamo jasan dokaz i u sahih hadīthu od Enesa, radijallāhu 'anhu, koji kaže:

"Allāhov Poslanik, sallallāhu 'alejhi we sellem, je ostao između Hajbera i Medīne tri dana da bi proslavio svoju ženidbu sa

---

<sup>135</sup> hadīth bilježi Muslim

<sup>136</sup> vidi 11. qur'ānski dokaz i u njemu Taberijev i Qurtubijev komentar ovoga ājeta

## **DOKAZI ZA OBAVEZNOST POKRIVANJA LICA**

*Safijjom... Rekli su ljudi: 'Ako je zastre (zakloni) od pogledā, uzeo ju je za ženu, a ako to ne učini, uzeo ju je za robinju'.<sup>137</sup>*

Dakle, ako je spomenuta žena otkrivenog lica bila robinja, njeno otkrivanje lica (kao robinje) ne može biti dokaz za dozvolu otkrivanja lica slobodnih ženā, jer se propis pokrivanja lica razlikuje za slobodne žene i robinje.

Zatim, postoji i mogućnost da se radilo o starijoj ženi ili da se to dogodilo prije nego što je ženama naređeno da pokriju lica.

A učenjaci usūli-fiqha kažu:

*"Sve dok postoji mogućnost da se qur'ānski i hadiski tekst shvati na više načina – on se ne može kategorički koristiti kao dokaz za jedno od tih tumačenja".*

### **Četvrto iz sunneta što uzimaju za dokaz:**

Prenosi se od Fātime bint Qajs, *radijallāhu 'anhā*, da joj je Allāhov Poslanik, *sallallāhu 'alejhi we sellem*, nakon smrti njenog muža naredio da pričeka (provede *'iddet*) u kući Ummu Šerik, bogate ensārijke, koja je mnogo dijelila na Allāhovom putu i ugošćavala veliki broj ljudi. Kad se Fātima spremila da izvrši njegovu naredbu, Allāhov Poslanik, *sallallāhu 'alejhi we sellem*, se predomislio i rekao joj:

***"Ne! Nemoj ići kod Ummu Šerik! Kod nje navraća veliki broj ljudi i bojim se da ti ne spadne himār ili ti se otkrije potkoljenica, pa da ljudi vide ono sto ti ne bi voljela da***

---

<sup>137</sup> hadīth bilježi el-Buhārī

## DOKAZI ZA OBAVEZNOST POKRIVANJA LICA

*vide. Nego, idi kod svoga amidžića 'Abdullāha ibn Um̄mi Mektūma (bio je slijep).'*<sup>138</sup>

Allāhov Poslanik, *sallallāhu 'alejhi we sellem*, se pobojavao da Fātimi ne spadne *himār* i da ljudi ne vide ono ispod njega. Šta je "*himār*"?

Nāsiruddīn el-Albānī je riječ "*himār*" protumačio kao "*pokrivač za kosu*", pa bi to značilo da se Allāhov Poslanik, *sallallāhu 'alejhi we sellem*, bojao da se (mogućim spadanjem *himāra*) pred ljudima ne ukaze Fātimina kosa. To bi indirektno značilo dozvolu otkrivanja lica, jer nije spomenuo da se boji za otkrivanje lica.

Međutim, takvo tumačenje nije prihvatljivo. Riječ "*himār*" u arapskom jeziku ima šire značenje i ispravnije je reći da je to "*pokrivač*" uopćeno. Jer, u arapskom jeziku "*tahmīr*" znači "pokrivanje" ili "skrivanje".

Spominje se u hadīthu da je 'Ā'iša rekla:

*'Fe hammertu wedžhī bi džilbābi...'* ("Pokrila sam lice džilbābom...").<sup>139</sup>

*'Himār ima značenje svega onoga čime se nešto pokriva. U značenju pokrivanja žene pred muškarcima (strancima), himār znači pokrivač kojim žena pokriva čitavu glavu.'*<sup>140</sup>

'Himār je postao poznat kao dio odjeće kojim žena pokriva svoju glavu.'<sup>141</sup>

---

<sup>138</sup> hadīth bilježi Muslim

<sup>139</sup> hadīth bilježi el-Buhārī

<sup>140</sup> ez-Zubejdī: "*Tadžul-arus*", korijen "*hmr*"

## **DOKAZI ZA OBAVEZNOST POKRIVANJA LICA**

Sām el-Albānī u svojoj knjizi '*Dzilbābul-mer'etil-muslimē*' navodi stihove Ebū 'Alija et-Tenuhija u kojima on pokrivač za lice naziva "himārom".

On kaže:

*"Svjetli himār i tvoje lice ispod njega,  
čudi me samo kao ne izgori  
od jačine svjetlosti."*

Dakle, riječ *himār* ne može biti tako usko protumačena (kao "pokrivač za kosu") i njome dokazivati da se Allāhov Poslanik, *sallallāhu 'alejhi we sellem*, bojao za moguće otkrivanje Fātimine kose, a o licu ni riječi...

### **Peto iz sunneta što uzimaju za dokaz:**

Prenosi se od Ibn 'Abbāsa, *radijallāhu 'anhu*, da je rekao:

*"Bio sam sa Allāhovim Poslanikom, sallallāhu 'alejhi we sellem, na bajram-namāzu. Kad je klanjao namāz, održao je hutbu, a zatim se uputio ka ženama, posavjetovao ih, podsjetio ih na Allāha i naredio im da udije na Allāhovom putu. Vidio sam njihove ruke, dok su u Bilālovu pregršt ubacivale sadaqu."*<sup>142</sup>

Hadīth na prvi pogled ukazuje na to da je 'Ibn Abbās, *radijallāhu 'anhu*, vidio otkrivene ženske ruke, radi čega se može uvrstiti u dokaze onih koji ženi dozvoljavaju otkrivanje rukū i lica.

---

<sup>141</sup> er-Ragīb el-Isfahānī: '*El-Mufredāt*', korijen '*hmr*', 109. str.

<sup>142</sup> hadīth bilježe el-Buhārī i drugi



## **DOKAZI ZA OBAVEZNOST POKRIVANJA LICA**

Ali, to nije tako. Ibn 'Abbās nije jasno naglasio da su njihove ruke bile otkrivene. Dakle, možda ih je video pokriveno, tj. samo obrise rukū.

A i da je bilo tako, njemu je, kao djetetu, bilo dozvoljeno vidjeti ženske ruke.

Na početku Buhārijine predaje Ibn 'Abbās kaže:  
'A da nisam bio dijete, ne bih mogao prisustvoovati sa njim.'<sup>143</sup>

### **Šesto iz sunneta što uzimaju za dokaz:**

Od 'Ā'īše se prenosi da je rekla:  
*'Došla je Hind bint Utbe kod Allāhovog Poslanika, sallallāhu 'alejhi we sellem, i rekla: 'Allāhov Poslaniče, želim da dam prisegu'. Allāhov Poslanik, sallallāhu 'alejhi we sellem, joj reče: 'Neću prihvatiti tvoju prisegu dok ne promijenis izgled svojih šaka, koje su sličnije zvjerskim nego ljudskim.'*<sup>144</sup>

Ovaj hadīth je krajnje slab (da'īf) i ni u kom slučaju se ne može uzeti kao dokaz. Naime, u lancu ovog hadītha se nalaze čak tri nepoznata prenosioca: Gibta bint Amr el-Mudžašijje, njena tetka Ummul-Hasan i njena nena.

Na slabost ovog hadītha ukazuju i riječi 'Ā'īše, radijallāhu 'anhā:  
'Tako mi Allāha, ruka Allāhovog Poslanika, sallallāhu 'alejhi we sellem, nikada nije dotakla ruku žene strankinje.'<sup>145</sup>

---

<sup>143</sup> 'Fethul-Bārī', 2./465.

<sup>144</sup> hadīth bilježi Ebū Dāwūd

<sup>145</sup> hadīth bilježe el-Buhāri i Muslim

## DOKAZI ZA OBAVEZNOST POKRIVANJA LICA

### Završna riječ

Danas ima onih koji dopuštaju svojim ženama da izađu otkrivenog lica među nevjernike, a dok u svojim kućama sklanjaju svoju ženu od gosta, muslimana.

Sama ova kontradiktornost u postupku ovih ljudi jasan je logički dokaz za pokrivanje lica.

Ukoliko žena otkrije lice, ona na sebe direktno i svjesno privlači poglede muškaraca i postaje predmetom "zurenja", komentara, opisivanja, polemika među muškim polom.

Kao što reče pjesnik:

*"Prvo letimični pogled, pa onda duži,  
potom osmijeh, pa selām, pa nekoliko riječi,  
potom susret, pa izlazak,  
pa osama, i onda..."*

U ovome i jeste mudrost naredbe o pokrivanju lica.

Žena koja pokrije lice staje na put ovim stvarima. Čak i ako muškarci nemaju bogobožnosti ni stida, ako ne žele oboriti pogled, u slučaju žene pokrivenog lica ti pokvarenjaci se ne mogu naslađivati njenom ljepotom.

Žena pokrivenog lica ne ostavlja ništa što bi privuklo muškarce, oni iz njene spoljašnjosti ne mogu saznati da li se radi o lijepoj ili ružnoj ženi, staroj ili mladoj,...

## DOKAZI ZA OBAVEZNOST POKRIVANJA LICA

Ona se istinski pokrila, zastrla, sklonila od pogleda muškaraca, prikrila je sve što je mogla, "**...osim onoga što je ionako spoljašnje...**", svoje visine, konstitucije (građe) i svoje odjeće.

Miješanje i pokazivanje lica žena strancima nije dozvoljeno u kući, pa kako onda može biti dozvoljeno van kuće?

Kada je Allāhov Poslanik, *sallallāhu 'alejhi we sellem*, izašao iz džamije i primijetio da su se žene i muškarci vani pomiješali, rekao je ženama da se sklone pozadi i rekao im: "*Ne pristoji vam da se krećete sredinom ulice*".

Poslije ove naredbe, žene su išle tako blizu zidova kuća, da bi se njihova odjeća prilijepila za zid.<sup>146</sup>

Hasan el-Basrī, kritikujući izlazak ženā na pijace, kaže: "*Da li vi dozvoljavate ženskim članovima svoje familije da se kreću, češući se o kāfire, na pijacama? Neka Allāh uništi one koji su bez poštenja i stida.*"

Naša posljednja dova je:  
*Hvala Allāhu, Gospodaru svjetova.*

Ebū Ahmed,  
Plav, Sandžak  
redžeb 1429. hidžretske  
jul 2008. godine

---

<sup>146</sup> Ebū Dāwūd

**DOSADAŠNJA IZDANJA**  
**"KELIMETUL-HAQQ":**

- **Dokazi za obaveznost pokrivanja lica**  
(*Kelimetul-Haqq*)
- **Dokazi da je isbāl harām**  
(*Kelimetul-Haqq*)
- **Ovo je naša 'aqīda**  
(*Ebū Muhammed el-Maqdisī*)
- **Kritika demokratije i ilustracija njene stvarnosti**  
(*'AbdulQādir bin 'Abdul'Azīz*)
- **Bolest irdžā'a**  
(*grupa autora*)
- **Šta čini "Lā ilāhe illAllāh", a šta ga poništava?**  
(*Hamid 'Alī Khān*)
- **Propisi koji se odnose na žene vjernice**
- **Kome se to priviđaju tekfirovci u Sandžaku i Bosni?**  
(*'Proglas o tekfiru'* i odgovori na njega)  
(*Kelimetul-Haqq*)
- **Zalutale sekte sūfija i ši'ija**  
(*Kelimetul-Haqq*)
- **Isukana sablja na psovača Allāha, vjere i Poslanika**  
(*Ebū Muhammed el-Maqdisī*)

- **Šubhe vezane za propis demokratije u islāmu**  
(*Tibyān Publications*)
- **'Aqīda potpomognute skupine**  
(*'AbdulMedžid el-Munī'*)
- **Tewhīd el-hākimijje**  
(*grupa autora*)
- **Allāhova pomoć je, zaista, blizu**  
(*Sulejmān bin Nāsir el-'Ulwān*)
- **Demokratija je vjera**  
(*Ebū Muhammed el-Maqdisī*)
- **Dužnost suđenja po Allāhovom zakonu**
- **Obaveze koje je dužan spoznati  
svaki musliman i muslimanka**  
(*šejhul-islām Muhammed bin 'AbdulWehhāb*)
- **Ovo je ono što vam je vaš Gospodar obećao**  
(*Reagovanje na incident u Novom Pazaru  
ispred Arap-džamije 3. nov. 2006. god.*)  
(*Kelimetul-Haqq*)
- **Podučavanje najvažnijim pitanjima**  
(*Ahmed bin Hamūd el-Hālidi*)
- **Može li se opravdavati neznanjem  
u djelima velikog širka i jasnog kufra?**  
(*Kelimetul-Haqq*)

- **Millet Ibrāhīm**  
(*Ebū Muhammed el-Maqdisī*)
- **'Aqīda ehliš-sunneta wel-džemā'ata**  
(*Metn/tekst sedam velikih djela 'aqīde muslimana na jednom mjestu, u jednoj knjizi:*  
"Wasitijska 'aqīda", "Tahāwijeve 'aqīda",  
"Kitābut-tewhīd", "Tri načela",  
"Otklanjanje sumnji",  
"Djela koja izvode iz vjere" i "Šest načela")
- **Šerī'atski hidžāb**  
(*Kelimetul-Haqq*)
- **Trijumf vjerovjesničkog monoteizma nad da'wom širka i nacionalizma**  
(*Ebū Muhammed*)
- **Osnova islāma koju svaki čovjek mora da zna da bi bio musliman**  
(*'AbdulWedūd*)
- **Šest detalja iz sīre (životopisa) Poslanika, sallallāhu 'alejhi we sellem**  
(*šejhul-islām Muhammed bin 'AbdulWehhāb*)
- **Pobijanje šubhi da mutehākim pred tāgūtom može ostati musliman**  
(*Kelimetul-Haqq*)

... i još mnogo toga, uz Allāhovu pomoć i dozvolu.









[www.kelimetulhaqq.net](http://www.kelimetulhaqq.net)

